

UTLOA LENTSOE LA HAE

 Kea leboha, Moena Neville. Kea lumela ho boletsoe ke Davida, "Ka thaba ha ba itse ho 'na, ha re eeng ka tlung ea Morena." Ntho e teng feela ka sekolo sa Sontaha eo likarolo tse ling tsa tšebeletso li se nang eona, nako efe khabareng ea letsatsi. Re sa tsoa phaphama phomolong ea bosiu bo monate, 'me—'me re ikutloa feela re fapane, 'me u hlasimolohile 'me u itokiselitse letsatsi.

² Joale re utloisia hore . . . Maobane bosiu, re ile ra botsa e—e batho haeba ba e-na le kereke ea bona . . . eo ba e kenang, nakong ea ketelo kapa—kapa . . . Ke bolela, litho tsa kamehla tsa likereke, hore ba lokela ho etela kereke tsa bona hoseng hona. Hoba, rona ka ho ba phutheho e sa khetholleng, ha re rate ho tlosa batho phuthehong ea bona.

³ 'Me ke qositsoe ka makhetlo a mangata ka—ka ho nyatza likereke tse ling. Hoo ho fosahetse. Ha ke nyatse likereke tse ling. Ke nyatza, hangata, lintho tseo—tseo ba li lumellang, empa ruri ha ke nyatse kereke. Empa, hangata, ha ba ruta lintho tse khahlano le Mangolo, ke moo ke—ke nyatsang seo. 'Me hape ha ba etsa lintho tse tletseng sebe, le—le ho e lumella ho etsoa likerekeng tsa bona, ke nyatza hoo. Empa lekhale . . . Feel a joalokaha ho boletsoe . . . Ke na le metsoalle e mengata ea Katolike e lutseng mona, 'me ha ke ahlole batho ba Katolike. Ke nyatza thuto ea kereke ea Katolike, hoba ha ke e lumelle e lumellana le Mangolo. 'Me ha ke ba ahlole ho feta kamoo ke ahlolang malumeli a mangata a Protestanta, hoba ha ke e hopole e lumellana le Mangolo. 'Me ke tlamehile ruri ho emela seo e leng 'Nete. Le a bona? U a tseba, Molimo o tla u ananel a ha u ka tsepahala, botšepehi feela.

⁴ U a tseba, hangata, monna ea batlang mosali, monna oa sebele ea loheletsoeng monna, ha a batle ngoanana ea tjena—ea motle hakana sefahlehong, kapa joalo—joalo. O tseba hoba seo se tla lahleha, ka le leng la matsatsi ana. Le a bona? O batla mosali e leng mosali ka botho, mosali oa sebele. 'Me haeba a tsepahala, le mosali oa sebele, monna eo o tla mo ananel a. Ha ke tsotelle hore na ke e—e ke thaka le lebe hakae, le kamoo a mathang kateng hohle le—le basali ba babe; ha ho monna ea mobe lefatsheng ea sa tl'o ananel a mosali ea tla emela seo mosali a lokelang ho ba sona. Ke hantle. Hobane, o ananel a seo.

⁵ 'Me ho joalo le ka—ka ho rera Lentsoe, ha motho a ka emela feela seo a se lumelang feela. Joale ha se . . . Le a hopola, Molimo u tseba pelo ea hau. 'Me ha u ka emela ruri seo u hileng u se lumela e le 'Nete, joale u ka ba le tumelo ho seo u buang ka sona.

⁶ Ke na le metsoalle e 'maloa e molemo mona. Moena Charlie Cox, ke bona a lutse kantle mono. 'Me liveke tse 'maloa tse fetileng, ke ne ke le tlase Kentucky le eena, re ntse re tsoma lihlora, teng ka ka ka phomola. Moena Banks Wood. 'Me, joale, rona, re ntse re koetlisa lithunya tsa rona, li a . . . Ke tlameha feela ho cheha sa ka ka phethetho ho fihlela se ka nepa lijareteng tse mashome a mahlano, kapa nke—nke ka tsoma feela. Le a bona? Ke phetho.

⁷ Be, ho nepa tekele ho thusa'ng? Le a bona? Hobane, haeba u thunya sehlora, le ho nepa hlooho, 'me hlooho ea sona e ka ba pitikoe e boholo boo, nqa efe selikeng se kahare ho inchi ho tla itokela, le a bona, kae feela kahare ka mono. E mong oa bashanyana bao o re, "Ho itoketse. Ke nepile sehlora." Ba tloha 'me ba inkela sehlora. Empa, ho 'na, e tlameha ho phethaha feela. E tlameha ho otla pheo. Se ke ke sa e fosa ka kotara ea inchi. Se tlameha ho otla tekele, ho seng joalo ke ferekana feela 'me kea hlabeha.

⁸ 'Me ke ne ke lutse fatše, letsatsi le leng, morung, 'me ke ntse ke re, "Morena, hobane'ng—hobane'ng ha ke le ramethapo e mokaale? Hobane'ng U nkentse ramethapo e mokaale?" Ka re, "Joale mono . . ."

⁹ Moena Banks o ile a ea tsoma ka sethunya sa hae, 'me a se cheha, ka liipone tsa theleskoupu. 'Me u mpa feela . . . Hang ka nako, u ne u tla . . . se tla fapoha, hobane haeba se . . . Lihlomo tse laishuoeng ke fektheri li tla etsa joalo, le hona, hoba u fumana phofo e ngatanyana, le phofo e nyenyane. Empa se tla thunya se fapohile hanyenyane, kapa inchi kapa tse peli, Moena Banks o re, "Oh, ho itoketse, ke otlide sehlora. Ho itoketse." Ha e—ha e mo khathatse. Charlie, ka ho ts'oana. Empa ke . . .

¹⁰ Sa ka se tlamehile ho otla tekele, hantle bohareng, ho seng joalo kea teneha. Ka re, "Ke fetohile ramaethapo oa kamehla." 'Me ka qala ka hetla morao, 'me ke fumana bophelo ba ka bo le joalo. Ke moloho oa ka oo. 'Me ka nahana, "Be, hobaneng U nkentse joalo?" E bile e ntšoarisa methapo ha—ha se fapohela hanyenyane feela nqa eo kapa nqa eo. 'Me Morena o ntšenoletse ka mokhoa oo, ha ke ntse ke lutse tlase mono, holim'a Glutton Hollow, e-bang re ne re le kae, re ntse re tsoma. Hoo, kea lumela e bitsoa Dutton; empa, lihlora li ja ka potlako haholo, ke e bitsa, "Glutton" [Monyollo—Trans.] Kahoo li . . .

¹¹ Holimo sebakeng sena, ka nahana, "Ke eona." Ke ne ke sa batle ho ruta ka lihele tse leng teng ho fihlela ke kholisehile ka eona. Le a bona? 'Me ka lebaka leo haeba Lengolo le lepa pholiso e Halalelang, 'me mona, ho shebahala ka mokhoa ona le ka mokhoa oane; haeba Lengolo le re, "Ntate, Mora, le Moea o Halalelang," eka hojane Melimo e le meraro, 'me Mono ke bona o le Mong feela o leng teng; 'me joale ebe nka etsa'ng ka ho tlatselela, ka banna ba bang, seo ba se buang ka Eona, ho e nka

joalo? Haeba Bibebe e bua ka boitherelopele le mohau, 'me *mona* e-na le mesebetsi, 'me *mona* e-na le mohau. 'Me ha—ha ke khone feela ho e rera joalo.

¹² Ke tlameha ho rarolla taba eo, le hohle har'a, le hohle har'a, le hohle har'a Bibebe, ho fihlela e otla tekele setsing ka ho phethahala, le a bona, ho fihlela e hlahella ka botlalo ho haola ka Mangolo. Etlare ha ke ema, nka ba le tumelo ruri ho seo ke se etsang, le a bona, ho tseba seo u se rerang e le 'Nete. Le a bona? 'Me ha motho a le khahlano le Eona, u se u e thuisitse ho lekanang ho fihlela u tseba hantle seo A se buang, moo u ka mo emisang teng, le a bona, hantle *Mona*. Le a bona? 'Me ho joalo. Molimo o re etsa ka litsela tse fapaneng, re ka khona habonolo feela... Hoo ho etsa hore lefatše le be ka tsela eo. Empa, ke eona ntho e ntšoarisang methapo, motho ea ferekanang. E lokela ho loka hantle feela.

¹³ 'Me ke thabile haholo, bosius bona, kajeno, hoseng hona—hona, ho bolela hore kea tseba Morena Jesu ha a shoa. O a phela, 'me O mona hantle feela joale joaloka ha A ne a le teng nakong efe lefatšeng mane Galelea kapa kae feela. Ke ea phelang, ea tsohileng, Mora oa Molimo o phelang e leng motlalahohle. Hoo ke... 'Me haeba ke sa khona...

¹⁴ Haeba ke rutile Lengolo la Molimo oa o itseng oa nalane, 'me ke se na bonneta ba hore O ne a le teng mona, ke—ke ne ke tla ferekana ka botlalo. E ne e tla mpherekanya hona, ke ne ke sa tl'o tseba seo ke neng ke se etsa. Le a bona? 'Me ke ne ke sa tl'o tseba moo nka bolellang batho, "Be, joale, O tla etsa *sena*, kapa O tla etsa *sane*." Ke—ke ne ke sa tl'o khona ho le bolella. Ha ke tsebe. Empa ha u tseba seo A tsepisitseng hoba O tla se etsa, 'me ke 'Mone a se etsa, ke moo u tsebang moo u emeng teng. Le a bona? Le ho bona kamoo Molimo, mererong ea Oona e meholo, o tsebileng hantle feela ho etsa motho e mong le e mong ho ba ntho e itseng, hobane O tlil'o ba sebelisetsa morero oo.

¹⁵ Le utloa mofumahatsana eo holimo mona, nakoaneng e fetileng? Mof. Stricker, a bina kantle ho 'mino ofe. A e-na le nthoana eo a e butšoelang, ho fumana chunu ea hae, keyi ea hae—ea hae kapa le e bitsang. 'Me a ka ema le ho bina ka lentsoe leo le tlase haholo, le ho le phahamisetsa holimo, hoo, *Ship Ahoy!* Joale, le loketse ho nkutloa ke leka seo khetlo le leng. E ne e tla tšabeha. Empa, le a bona, Molimo o tsebile ho bopa mosali eo ho etsa hoo.

¹⁶ 'Me ke eona tsela eo. Bohle moloho oa rona o fapane. Hola feela re ka fumana maemo a rona ka ho Kreste, le ho lula mono le ho Mo sebeletsa.

¹⁷ Ho bona ngoanana e monyenyanee ea lutseng mona, hoseng hona, setulong sa bakuli. Ho hlohonolofatsoe pelo ea hau e nyenyane. U holofalitsoe ke'ng, moratuoa? Mesifa-dys-... dys-... Oh, ha ke khone ho bua lentsoe leo, ha ke qala; daestrofi,

kapa eng. Na ke seo e leng sona, moratuo, se u holofalitseng, kapa ke pholio? Pholio. Le a tseba, Jesu o folisa banana ba banyenyane. Na ha A etse joalo? U ngoanana e motle ea matla. 'Me ke lumela hore Jesu o tla u folisa.

¹⁸ Maobane bosiu, banananyana bao ba babeli ba ne ba lutse mona ka lefu leo esita ho se motho lefatšeng ea tsebang seo le leng sona. Menoana ea bona e a khaoha, le maoto a bona a manyenyane a khaoha. Banana ba babeli ba batle. 'Me ke tsoa tsoa tseba 'm'a bona le khonho oa bona. 'Me feela ka utloa ke etelloa pele ho khalema liabolosi eo ea ka hlokofatsang bathoana bao ba lutseng mono; hantle ka kotlolohlo. 'Me esale ba lutse litulong tsa bakuli ha ke tsebe nako e kae. 'Me bosius ba maobane, litaba li fihlile, ka mohala, "Basesana ba tsohile, ba itsamaela hohle." Na le bona seo, hore—hore Morena Molimo o ba hauhetse hakana. Oh, O molemo haholo ho rona! Re lokela ho Mo ananela ho feta.

¹⁹ Eaba ke ntse ke nahana, maobane bosiu, hoba ke fihle lapeng 'me ke paqame metsotso e 'maloa, ka nahana, "Ha soule e tsoile ho motho, ke eng?" Ho tsoile botho ba hae bo leng ka hare. Ha aa shoa. O a—o sa ntse a phela. Le a bona? O—o phela kamehla. 'Me baratuoa ba rona ba ileng mose ho lesira lena, ba ka har'a e—e 'mele oo re sa tsebeng hore ke eng. Ha eso senoloe.

²⁰ Mekhahlelo ea ntho ka 'ngoe e meraro. Ho na le sethala sa 'mele o shoang, 'mele o sa shoeng, e ntano ba 'mele o tlotsitsoeng. Le a bona? Joaloka lintho tse ling, joalo ka... Ntate, Mora, le Moea o Halalelang, li kena mochoporong o le mong, 'me tse tharo li etsa a le Mong. Tokafatso, khalaletso, kolobetso ea Moea o Halalelang, ka mochoporong, e etsa e le 'ngoe. E ntano ba, soule, 'mele, le seperete, li etsa ntho e le 'ngoe. 'Me e tsamaea ka boraro, 'me tse tharo ke tsa a le mong. Le ho nka e—e sekotoana sa galase e khutlo-tharo le ho e robatsa letsatsing, se tla halimisa mebala, leha ho le joalo, mebala e supileng e tla patisana ho o le mong.

²¹ 'Me u nke bofubelu, le ho sheba bofubelu ka bofubelu. Ba bakae ba tsebang hoba e tla ba 'mala ofe? [Phutheho e re, "Bosoeu."—Mohl.] Bosoeu. Uh-huh. Na seo ha se makatse? Seo, bofubelu ka bofubelu, bo bonahala e le bosoeu. Bofubelu ke pontšo ea topollo. 'Me ha u... Molimo o sheba libe tsa rona tse khubelu, ka Mali a mafubelu a Mora oa Hae ea ratehang, li tšoeu. Ka hona, empa, O tlameha ho sheba ka Mali. Haeba e se joalo, li tletse sebe. Ka hona re loketse ho ba tlas'a Mali.

²² 'Me ha moea o tsoa 'meleng, o nka leeto la 'ona ho ea nqalong ea phomolo, 'meleng o leng sebopethong le tšobotsing ea 'mele ona, empa ha se 'mele oa mofuta ona. U tla kopana le baratuoa ba hau. U ke ke oa khona ho ba tsukutla ka matsoho. U ka bua le bona, u ka ba sheba. Ba shebahala joaloka mona. Hobane, mohla

Petrose, le Johanne, le Jakobo, ba bonang Moshe le Elia, ba ba tsebile, holim'a Thaba ea Phetoho. Empa, ke 'mele.

²³ Empa mohla 'mele oo, o kang 'mele oa leholimo, mohla o khutlelang lefatšeng, o thonaka e—e motloang oo o kileng oa phela ho 'ona, 'me o ntano fetoha 'mele o tlotlisitsoeng. 'Me 'mele oo ke 'ona oo re tla bona Morena Jesu ka oona, 'meleng oa Hae o tsohileng. "Ha ho e-so bonahale seo re tlang ho ba sona," ho boletse Pauluse, "empa re a tseba re tla ba le 'mele o tšoanang le oa Hae ka Sebele o khanyang, hoba re tla 'Mona kamoo A leng kateng."

²⁴ 'Me matsoho ana oohle a khale a sosobaneng le mesifa e katilehileng eohle e tla nyamella e metsoe ke palesa ea bocha. Lona maqheku le basali, hopolang, lona... Sena ke... Hoo, leo ke letšao la tlolo, botsofali ba hau. Empa tsohong, ho ke ke ha e—ba le letšao le le leng la sebe. Empa ke hobane'ng ha Molimo a u entse kamoo A entseng kateng? O le fihlisitse lilemong tse baliloeng, mohla u neng u batla u le mashopeli-peli, mashopeli-tharo, u le bokhabaneng ba hau bo fetisisang. U ntse u ja lijo 'me u matlafala, 'me u phetse hantle, 'me u le motho ea shebahalang a le matla hakakang. Eaba, ka mora moo, u qala u sosobana u fela, u a bona, lefu la kena. Empa, tsohong, botsofali bohole bo tla falatsoa.

²⁵ Ke shebile mona morerinyana oa khale le mosali oa hae. Ba lilemong tsa bona tsa bomashome a robeli, kea kholoa. Moena le Khaitseli Kidd, ba ne ba rera Evangelie mohlomong pele ke hlaha; 'me 'na ke leqheku la monna. 'Me ke ba bona ba lutse mona, ba shebahala ba tletse khotso, banyalaninyana ba khale. 'Me ke nahana feela, ho re, tsohong, ebe ba tla shebahala joang. Masoebe ao a khale, le ho matsoho ao a thothomelang a letoope, le meriri e meputsoa e tla metsoa ke palesa ea bocha. Ruri hoa lefa ho sebeletsa Morena. E hlile ho joalo. Re tla 'Mona, ka tsatsi le leng.

²⁶ Kea ipotsa haeba Rosella Griffin a le teng. Ke mo kopa ho bua lentsoe. Lekhoba-nyana la tahi le sa tsoa fola mane... mona, lilemong tse 'maloa tse fetileng. 'Me seo se ka thusa lekhoba la tahi le leng teng mona. [Khaitseli e mong ka phuthehong o re, "Moena Branham, o ile hae hoseng hona."—Mohl.] O ne a loketse ho ea hae hoseng hona. Ho lokile. Taba e makatsang! Ke ile ka nahana bosiung ba maobane ke lokela ho mo kopa ho bua ho hong. Ke ne ke tla etsa hoo, hola ke e tsebile, hore o ne a tsamaea hoseng hona. Lintho li ngata tseo ke ratang ha batho ba tabernakele ba ka li utloa.

²⁷ Joale, na ba teng mona ba tlang ho kolobetsoa, hoseng hona, metsing? Ha re boneng. 'Ngoe, peli, tharo, 'ne, hlano, tšeleta, ba ka bang tšeleta kapa ba supileng mona ho kolobetsoa. 'Me tšebeletso ea kolobetso e tla latela thuto ena ea sekolo sa Sontaha.

²⁸ Joale, phaposi ea sekolo sa Sontaha ea Khaitseli Arnold oa rona, ea bathoana ba hae, e se e hlophiloe. 'Me feelsa re tla, ha u ka rata, Khaitseli Arnold, re tla lokela ho e chechisetsa morao ho fihlela tsatsi le hlahlamang, hobane ha re na phaposi ea sekolo. 'Me ke tla bala Lengolo mona metsotsong e 'maloa, bakeng sa bana ba banyenyane, 'me hoo ho tla ba fa ntho eo ba ka nahanang ka eona, le bona. 'Me hape Sontaha se tlang le tla tsoelapele ka litšebeletso tsa lona tse tloaelehileng le sekolo sa Sontaha. Joale, re batla ho bolela . . .

²⁹ Ntho e 'ngoe eo ke batlang ho e bua hoseng hona ke ena. Ke—ke—ke ba boleletse ho se etse sena, empa ba se entse, leha ho le joalo. Le a bona? Eona, e ne e le monehelo bosiusing ba maobane o tlileng ho 'na, le a bona, monehelo. Ke ba boleletse ho se etse hoo, le a bona. 'Me bona . . . Empa ba e entse, leha ho le joalo. 'Me ka nako . . . Ha kea e tseba ho fihlela Billy a mpolella hore moena oa ka Doc o mo tliselitse oona, tlung ea hae. 'Me ha ke eso o bale, empa ke lumela ho tlalehiloe e ka ba makholo a mararo, kapa ho feta makholo a mararo hanyenyane. Na hoo ho . . . U a hopola, Doc, e ne e le eng? [Moena Edgar Branham o re, "... mashome a mabeli a metso e mene, leshome le metso e 'meli."—Mohl.] E ne e le eng, moena? ["Tharo, mashome a mabeli le metso e mene, leshome le metso e 'meli."] Makholo a mararo le mashome a mabeli a metso e mene, leshome le metso e 'meli. Kea leboha, haholo.

³⁰ Joale, e se e le khale ke sa sebetse. Le tseba seo. 'Me mongoli oa ka ea leng teng, kapa ba bang ba bona mona hoseng hona, ba tseba litšenyehelo tsa ka, ho sa tsottelehe moo ke leng teng, hantle mona hae, li tlola lidolara tse lekholo ka letsatsi, tsa liofisi tsa ka le lintho tseo ke lokelang ho li phutha bakeng sa lisakatuku le lintho ho pota lefatše, litšenyehelo.

³¹ 'Me ke—ke batla ho bolela sena, khothatso ho lona batho mona, leha ho le joalo. Ho latela palo ea batho, oo ke monehelo o moholo oo nkileng ka o amohela bophelong ba ka. Na le a hlokomela e ka ba dolara motho ka mong, palohare? 'Me boholo ba menehelo efe kantle mosebetsing ka kakaretso e ka ba, lisente tse mashome a mabeli a metso e 'meli kapa mashome a mabeli a metso e mehlano motho ka mong. Empa kakaretso ea ona e ne e le dolara motho ka mong. Hoba, ke a tseba u ke ke oa kena mona . . . Ha ba nke linyehelo ka ntle. 'Me le ke ke la hatellana sebakaneng sena, batho ba ka bang makholo a mararo, ke—ha ke kholoe. Na u a tseba hore tabernakele e lulisa bokae, Moena Neville? [Moena Neville o re, "E loketse ho ba kae-kae ho makholo a mararo, ka kemo ea eona joale."—Mohl.] Batho ba ka bang makholo a mararo. Kahoo, le a bona, mono ekaba e—e dolara motho ka mong. Molimo o tseba kamoo ke ananelang seo kateng. Ke leboha haholo. 'Me e kena hantle feela mosebetsing oa Morena. Ke—ke a leboha ka ona. Le bakeng sa . . . Haeba ba bang ba ka tsamaea pele ho bosiu bona, hobane . . . 'me ke . . .

³² Eitseha ha ke khutlela hae maobane bosiu, mathuleng ho ne ho behiloe lebokosana, le kang *lena*, 'me e ne e le—e le shoahla ea jelly, ke a lumela, e tsoang ho motho ea itseng. Le a tseba, ke rata jelly feela. 'Me ke—ke ananela seo. 'Me e—e khaitseli mona, molemo ke ho se 'mitse ka lebitso. Ke motsoalle e moholo oa lelapeng la rōna, 'me o siile mpho ea lerato tlase ha 'mè, ea ka le Billy. Ha u tsebe, khaitseli, kamoo ke ananelang hoo, le nako eo e kenang ka eona.

³³ 'Me, oh, lintho li ngata! Le a utloisia. 'Me ke tiile hore O a utloisia. 'Me ke t̄sepa ke hona A tla hlohonolofatsa e mong le e mong oa lona, ka ho fetisisa. Ekare nka be ke ea lapeng le e mong le e mong oa lona, 'me—'me ke lule le lona nakoana, 'me ke qoqe le lona. Ke rata ho etsa joalo.

³⁴ Empa, ke, le tseba kamoo ho leng kateng, ke tseleng kamehla. Re tlameha ho tsamaea kapele feela. Ho bua 'nete, hang ka mora t̄sebeletso bosiung bona, ha Morena a ratile, ke tla tloha seteiting sena, hang feela hoba t̄sebeletso e tsoe. Ke tlameha ho tsoa mona pele hora ea leshome le metso e 'meli. Ke na le taetso ea kopano ka hora ea leshome le metso e 'meli. 'Me ke tletse, thapama ena. 'Me ke . . . le a tseba ho joang. Ke ho lula u le tseleng kamehla, ka linako tsohle; batho ba kulang, ba shoang.

³⁵ 'Me hangata ke kena sebakeng, 'me ebe ke eme moo feela, 'me ho kene motho, a re, "U a ntseba, Moena Branham?"

"Che, bo."

³⁶ "Khele, ke ne ke robetse kokelong, ke shoa, ea ba le tlie ho nthapella. Morena o mpholisitse." "Ke ne ke foufetse ha u kopana le 'na seterateng, letsatsing leo pono ea boea." Le a bona? 'Me ke—ha nke ke ke tseba seo e leng sona.

³⁷ Empa ke hopola mohopolo o le mong ona o bokoang, Moena Egan, hore, tsatsi le leng hoba ke rere thero ea ka ea ho qetela, ke rapelletse motho oa ho qetela eo Morena a batlang hoba ke mo rapelle, 'me ke ea Hae! 'Me hoseng hoo ha tsoho, oh, e tla ba letsatsi le le kakang leo, la thabo! Mohla nka emang Mono, mohla mofumahali oa Boroa a tla nyoloha, nka bona khahlamelo a bileng le eona! Ke tla bona ho nyoloha Mono, Billy Graham, khahlamelo a bileng le eona. Oral Roberts, le ba bang bohle, boSankey, Finney, Moody, Calvin, Knox, le joalo-joalo. Joale ke tla bona sehlopha sa ka se nyoloha. Oh, e tla ba thabo, e tla ba moqhaka oa ka oo. Ke hantle. 'Me, ka mohau oa Molimo, ke t̄sepile ho fumana limillione tse 'maloa Mono.

³⁸ 'Me joale ke tlameha ho ea mose ho maoatle haufinyane. 'Me joale, kamoo ke tsebang, hantle likopanong tsa rona, ak'u nahane feela, ke milioneng oa ka oa bobeli oa meea e sokolotsoeng, ho e hapela Kreste. 'Me ke—ke t̄sepa ke tla bona ho haptjoa limillione tse ngata, ngata.

³⁹ Joale, t̄sebeletso ea kolobetso, 'me joale—litaetso le lintho. 'Me, joale, ka tloaelo mona ke kamorao ho kopano.

⁴⁰ Nako ha le khutlela lipuisano tsa poraefete, kapa joalo-joalo, letsetsa feela moemeli, Moena Mercier mona. Re tlameha ho hlophisa moralo, re tlameha joalo. Re tseba seo. 'Me Moena Mercier, o a li theola, o li hlophisa kamoo li fihlang feela, 'me hang feela ha litaetso tsa ka li fela, ha tsohle li fela, ke... Ha ke kena, kea mo bitsa 'me kea mo bolella, "Ke qetile sehlopha seo." O mpha sehlopha se secha, 'me ke tloseletsa hape, le a bona. Joale, tsohle li sebetsa ho tsoa ofising eo. 'Me o tseba ho li hlophisa ho kenya e mong le e mong, ea ka kenang, le a bona. Ka hona, re thabile haholo ha ofisinyaana ena e sebetsa ka mokhoa oa eona. Kahoo ke feela Butler 2-1519 feela. [Nomoro ea mohala e fetotsoe.—Mohl.] 'Me hoo ke... Kapa, ha u ka letsetsa Jeffersonville, le ho ntetsetsa feela, 'me ba tla araba mono ofising eo. 'Me kea leboha, ka mosa haholo.

⁴¹ Joale rona, pele feela re phetla Lentsoe la Hae le bokoang... 'Me hopolang, hang hoba tšebeletso ena e tsœ, le tšebeletso ea kolobetso, Billy o tla fihla mona ho aba likarete tsa thapelo tsa bosiusing bona.

⁴² Joale, bosiu bona ke bosiu ba kereke, Sontaha bosiu, bongata ba batho ba motse ba tla be ba le kantle ho likereke tsa bona, le ho potoloha Louisville le mathoko. Ba tla ba likerekeng tsa bona. Empa haholo e tla ba batho ba kantle. Ka baka leo, ke nahana mohlomong re ka bopa mola o moholo oa thapelo bosiusing bona 'me ra rapella e mong le e mong oa bona. Ke tsepia re tla etsa joalo. Re abile likarete tse 'maloa tsa thapelo.

⁴³ Ke—ke nahana, bosiusing ba maobane, kamora bosiu bo fetileng, oh, ke utoile eka nka fofa ke le mong, oh, sefofane ke le mong, le a tseba, kamoo re buang. Ho bona feela, tabernakeleng e nyenyane ena ea khale, hape, matsoho a phahamisitsoe.

⁴⁴ Ke na le moshanyana mona, ke moshanyana feela, Joseph e monyenyanne. O lilemo li ka ba tharo feela. 'Me eitseha bohole ba ntse ba hoeletsa, haeba a sa tlolela hantle mono mahareng a litulo 'me a akhela matsoho ao holimo, le ho qala a hoeletsa le ho rorisa Morena, hantle kantle lipakeng tsa litulo mono! 'Me kea nahana, hoseng hona, o qabane le khaitselinyana ea hae, 'me a mo loma sephakeng, ka 'molella ke hona hore ho hoeletsa ha hae ho ke ke ha thusa hakaalo ha feela a itšoara joalo. Oh, khili! Mathakanyana ao, a ka u ferekanya kannete, na ha ho joalo? Be, ehlile, seo e neng e le sona, o bone ba bang bohole ba e etsa 'me a hopola e le seo a lokelang ho se etsa, le eena, 'me mohlomong a re sala morao, kamoo re neng re etsa kateng.

⁴⁵ Joale re phetlile Lentsoe la Hae mona. Joale ha re bueng le Eena ka Lona feela. Joale feela e...

⁴⁶ Molimo o Ratehang, re sa tla ho Uena hona joale, ka hlompho, ka khutso, re hlaphohetsoe, ka tumelo, re lumela hore U a utloa 'me u tla araba thapelo. Hobane, re tla ka Lebitso le bokhoni-bohole la Mora oa Hau, Morena Jesu, E leng Ea sa

tlaileng, le ho fana ka tsepiso, ho re, "Ha le kopa Ntate eng le eng ka Lebitso la Ka, Ke tla e etsa." Re tseba ke hona hoba re tla amohela feela seo re se kopang, hoba re tla ka Lebitso la Hae. Hoba ha re na Lebitso le leng leo re ka U atamelang ka lona, Jehova Molimo e moholo, ea matla. 'Me re tla ka mohau oa Hae, ha re ipolele re lokeloa ke letho, empa hobane O re etselitse pheko, ka ho re shoela. 'Me A re etsetsa tefetso ea libe tsa rona, 'me re ikutloa re ka ema re beiloe ba lokileng mahlong a Hau, ka lefu la Hae. Ke tumelo ea rona eo. Le ho se kope letho e ka bang bobe, empa se ka bang molemo ho e mong le e mong oa rona.

⁴⁷ Ka baka leo, Morena Molimo, bua le rona ka Lentsoe la Hau. Le ho bua le rona ka Lentsoe leo, re tle re utloisise le ho tseba feela ho ba banna le basali ba molengoana, bashanyana le banana. Ho tseba hobane khoro e kholo koana lefung, ho re, nako le nako ha pelo tsa rona li otla, re atamela khoro eo bohole re tla kena ho eona ka petso e le 'ngoe. Le ho tseba, hore, ka mora hoba re kene mono, ha ho monyetla o le mong hape oa ho etsa lipolano le ka mohla. Ha re sa tla fumana monyetla ona oo re nang le oona feela hona joale. 'Me ha re tsebe mohla re tla tsela moeli oo, oho Molimo, tloo ho rona kapele le ho re phaphamisetse likutlong tseo re lokelang ho ba ho tsona, le ho tseba mokhoa oa ho U atamela, le ho buella nyoe ea rona pel'a Hau le ho kopa mohau. Aba sena, Morena.

⁴⁸ Re batho ba hlokang. Re linku, re bitsa Molisa ea tla re alosa bophelong, le ho theosa khohlong ea moriti oa lefu. Joaloka ha Davida, oa khale, a boletse, "Nke ke ka tshoa ha ke fihla nqalang eo," hobane Molisa o tla nkalosa hantle feela sebakeng seo, ho fihlela maoto a rona a phomola ka ho tiea holim'a Lebopo leo le khanyang, moo botsofali le ho kula le masoabi le lefu li tla re balehela, 'me re tla lokoloha, Teng, kamehla le mehla.

⁴⁹ Bua, Morena. Moratuoanyana enoa ea mahlo a khanyang, ea lutseng mona ka pel'a ka, setulong sena sa bakuli; ha ke khone feela ho tlosa mahlo a ka ho eena kajeno; o qhoalisitsoe kahohle ke polio ena, seo e mobe se entseng ho eena. Oho Molimo, tlisa topollo ho moratua eo e monyenyan. Aba sena, Morena. Eseng ho eena feela, empa le ho ba bang mona ba letileng. A Moea oa Hau o Halalelang o ba phahamisetse holimo hakana, hoseng hona, ba fete thothomelo e 'ngoe le e 'ngoe ea lipelaelo le mokoallo o mong le o mong oa sebe, hore Moea oa Hau o Halalelang o tle o tsamaee holim'a bona le ho ba folisa. Aba lintho tsena, Morena. Hoba re kopa mahlohonolo ana bakeng sa khanya ea Hau, ka Lebitso la Mora, Jesu Kreste. Amen.

⁵⁰ Joale, ke khethile bakeng sa mohlolithero hoseng hona... 'Me lona bashemane le ntšoarele, ka ho nka nako eohle le batho ba baholo, 'me sehlopha sa lona ha se eo mona, ho ba teng hoseng hona. Empa ke batla hore le utloe, le lona, seo ke batlang ho se bala. 'Me ke batla ho bala, hoseng hona, ho tsoa ho Samuele oa Pele, khaolo ea 3.

⁵¹ 'Me ke batla ho nka bakeng sa temana: *Utloang Lentsoe La Hae*. Hoo ho tla sebeletsa banana ba banyenyane le banana ba baholo, le bashanyana ba banyenyane le bashanyana ba baholo, bohle. Hopolang temana: *Utloang Lentsoe La Hae*.

⁵² Joale, lona ba phetlang Mangolong, ho Samuele oa Pele, khaolo ea 3, e baleha tjena litemaneng tse leshome tsa pele.

'Me ngoana Samuele o na a ntse a sebeletsa MORENA pontšeng ho Eli. 'Me lentsoe la MORENA le ne le le molemo mehleng eo; ho ne ho se pono e bulehileng.

⁵³ Oh, nka rata joang ho lula mono motsotsoana feela, mohlomong khetlo le leng. E mpa e nchabela feela. Ereng ke e bale hang hape, temana eo.

'Me ngoana Samuele o na a ntse a sebeletsa MORENA pontšeng ho Eli. 'Me lentsoe la MORENA le ne le le molemo mehleng eo; hobane ho ne ho se pono e bulehileng.

⁵⁴ Na le bona seo pono e leng sona, ke hona? Ke Lentsoe le otlolohileng la Morena. Le a bona? 'Me Lentsoe la Morena le ne le le boholokoa.

'Me mehleng eo, ha Eli a ne a robetse sebakeng sa hae, mahlo a hae a qala a fifala, hoo a neng a sa bone;

'Me lebone la Molimo le eso ho time ka Tempeleng ea MORENA, moo areka ea Molimo e neng e le teng, 'me Samuele o ne a robetse;

Eaba MORENA o bitsa Samuele: 'me a arabela, Ke 'na enoa.

Eaba o mathela ho Eli, 'me a re, ke 'na enoa; hobane u mpitsitse. 'Me a re, Ha ke a ka ka bitsa; robala hape. 'Me a ea a robala.

'Me MOR-... 'Me MORENA a boela a bitsa Samuele. 'Me Samuele a tloha, a ea ho Eli, 'me a re, Ke 'na enoa... Ke 'na enoa; hobane u mpitsitse. 'Me a arabela, Ha ke a ka ka bitsa, mora ka; robala hape.

Joale Samuele o ne a e-so tsebe MORENA, 'me le lentsoe la MORENA le ne le e-so ho senoloe ho eena.

'Me MORENA a boela a bitsa Samuele hape khetlo la boraro. 'Me a tsoha a ea ho Eli, 'me a re, ke 'na enoa; hobane u mpitsitse. 'Me Eli a lemoha hore ke MORENA ea bitsitseng ngoana.

Eaba Eli o re ho Samuele, E-ea, u robale: 'me e tle re, ha a ka u bitsa, u tla re, Bua, MORENA; hobane mohlanka oa hau o a utloa. Eaba Samuele o ea a ea robala sebakeng sa hae.

Eaba MORENA o a tla, a ema, a bitsa joalo ka linako tse ling, Samuele, Samuele. 'Me Samuele a arabela, Bua; hobane mohlanka oa hau o a utloa.

⁵⁵ Lentsoe la Molimo! Ho utloa Lentsoe la Hae letsatsing leo e ne e le ntho e sa tloaelehang. Le a bona, ho se pono e bulehileng. 'Me e ne e le ntho e sa tloaelehang, Lentsoe la sebele la Molimo, hobane batho ba ne ba khelohile. Ba ne ba ena le kereke, tsatsing leo, e mpa e sa latele litaelo tsa Morena feela. Ba ne ba na le e—e mosebeletsi ea bitsoang Eli. 'Me o ne a tlohile ho Molimo, ka ho ruta feela litaelo tsa seo batho ba neng ba batla ho se lumela. Haeba seo se sa khemisane le ho fihlela kajeno! A mpa a ruta batho feela, 'me a—a nkile bao a ba thontsoeng ba hae, 'me a laela bara ba hae ho inkela nama e ntle ka ho fetisisa mono, lilopeng, ho tsoa—ho nyehelong. 'Me ea fetoha nqalo eo sehlabelo e neng e le ntho ea sehlooho. 'Me Samuele, a sa tsotelle kamoo a tšoarang litaelo tsa Morena kateng. 'Me Lentsoe la sebele la Molimo e ne e le ntho e sa tloaelehang.

⁵⁶ Ke kamoo ho leng kateng kajeno. Re ea kerekeng 'me re fumana batho ba kena 'me ba ntse ba thettheha, "Re batla ho bopa phutheho ea rona ea bolumeli, selemong sena, ba bangata hakana. Tlisa lengolo la hau le tsoang kerekeng e 'ngoe ea hau, le ho ingolisa le rona." Le mapetjo a kang, "Milione o mong ka '44." Le tsohle tse kang tseo, li tjolietsa, ho leka ho hlolisa mokhatlo o latelang ka kholo. 'Me ka ho etsa joalo, re lahletse mekoallo, ea Bibele. Re tlohile, 'me ra qala ra ruta lintho tse fapaneng.

⁵⁷ Baporofeta ba buile ka matsatsi ana, mohla, "Bona, ka thuto, ba tla ruta thuto ea motho e seng Thuto ea Molimo."

⁵⁸ 'Me re bone ho hongata mono, 'me e tsamaile nako e telele hakana, ho fihlela, kajeno, Lentsoe la Morena e le ntho e sa tloaelehang, motho a ka tla a re, "HO RIALO MORENA." Joale, re fumane bolekisi bo bongata ba seo. Satane o hlide o mosebetsing. 'Me lilemong tse ngata tse fetileng, batho ba ne ba tšaba ho rialo haeba e ne e se Morena. Empa, kajeno, ha ba tsotelle. Empa ke leqeme ho utloa Lentsoe la Morena, le ho fumana motho ea ka reng, "Morena o buile le 'na." Le eellooa seo har'a batho, hape, ha ba sa utloa mohla ba ka reng, "Morena o buile le 'na."

⁵⁹ Mohla, banna le basali ba neng ba rapela bosiu bohole, matlu a bona a ne a hlophehile, ho latela Buka ea Morena, 'me Molimo o ne a nkile maemo a pele lelapeng la bona.

⁶⁰ Le a bona, re beile lintho tse ngata ka pel'a Morena. Ha u khone ho tšoara kopano ea thapelo, hobane Mongh. Godfrey o a hlahla bosiung bona. Ha u khone ho tšoara kopano ea thapelo, hobane *Re Rata Sucy* o kene mantsibooa ana. Kapa, bosaoana ba mofuta bo joalo, bo qetang nako, 'me ha re na nako ea ho utloa Lentsoe la Morena. 'Me bao ba ipolelang hore ke Bakreste, ba khumama feela, thapelonyana e tjena, e teiloeng lapeng, "Morena, ntlhohonolofatse le ba lelapa la ka, 'me u re baballe. Robalang hantle." 'Me hosseng ho hlahlamang, ho tsoha ho thoe, "U re tataise letsatsi lohle. Lumela."

⁶¹ Re lokela ho emela Morena. Ua bona, ke rona ba buang haholo. Ha re Mo fe monyetla oa ho bua le rona. Hoo, haeba re ka rapela, 'me ra rapela ho fihlela moea oa rona o kena ka pel'a Sefahleho sa Molimo, le ho phomola feela le ho mamela Lentsoe la Hae.

⁶² Empa mantsoe a mangata hakana, kajeno, a tlosang Lentsoe la Morena ho rona. Lentsoe la monyaka le teng. Batho ba bangata ba mametse seo, moo ba ka eang teng le ho ithabisa. 'Me bongata ba bona ba ipolela e le Bakreste. Rock-and-roll ea khale ea mofuta e hlahang, ha ba khone feela ho mamela se tletseng borapeli. Ba re, "Be, ke Mokreste, ke lokela ho bala temana ka Bibeleng kajeno. Ee, 'Jesu a lla.'" Ke eona. Ho tsoela pele. Empa joale ho theoha ruri le ho rapela, lintho tseo ba li etsang li ngata haholo. Mantsoe a mangata lefatšeng, lintho li ngata tse hohelang maikutlo a rona hole le Molimo.

⁶³ 'Me maobane, 'na le mofumahali re ne re mathetse suphamaketeng, ho ea batla likorosari tse itseng. 'Me ke ne ke potlakile hoba ke ne ke le morao litaetsong le linthong tse joalo, 'me ke potlaka haholo. 'Me moshanyana e monyenyan a eme mono, a batla a khalehile, 'me ngoanana oa khale a tla fihla mono a apere borikhoenyana ba mofuta, ba monna ea itseng. A ne a loketse joalo, hoba a ne a etsetsoe monna.

⁶⁴ 'Me Bibebe e re, "Ke manyala mahlong a Molimo, ho mosali ho apara."

⁶⁵ Le lipstick ena e neyeperelitsoeng mona, mahlo a hae a batla a khalehile, a re, "*Hore-le-hore* ho kae?" ho moshanyana eo.

A re, "U lebeletse hore ke tsebe joang?"

⁶⁶ A re, "U a hopola, ha kea kena haese ka hora ea botšeleta hoseng hona." 'Me o ne a eso tlole lilemo tse leshome le metso e 'meli.

⁶⁷ Joale, Jesu, lilemong tse leshome le metso e 'meli, e beng e le mohlala oa rona, o itse, "Na ha le tsebe Ke tšoanetse ho ba mosebetsing oa Ntate oa Ka?"

⁶⁸ Ha ho makatse ha Lentsoe la Molimo e le ntho e sa tloaeleheng kajeno. Le bipelitsoe, ke mantsoe a mangata hakana a fapaneng, lintho tse ngata tse rothofatsang le ho tlosoa. E fihlile moo e thithibanyang e lithokutlo tsa rona, ho fihlela re sa utloe Lentsoe la Molimo. Lithokutlo tsa rona, athe re tlameha ho itsukutla, 'me le elelloe hobane le banna le basali, 'me le 'mopo oa Molimo, 'me le beiloe mona ho Mo sebeletsa. Empa lentsoe la Satane le baporofeta ba bohata, "Oh, khemang le seojoale-joale!"

⁶⁹ Joaloka ha ke ne ke bua matsatsing a 'maloa a fetileng, ke ne ke tla kerekeng, 'me ka bulela radio ea ka. 'Me ka utloa lenaneo ho tsoa Louisville, le tlalehileng ba ne ba ruta bana ba bona, ka likerekeng, ho noa hasesaane feela. Ho ba khemisa le mehla ea kajeno, e le hore ba se e etse tlolo.

⁷⁰ Oh, ba hloka ho ba ruta Kreste, e seng ho noa. 'Me hoo ho tla senya ho ranthanya le ho putlamisa lehae lefe. Lentsoe la Molimo le ka bua joang har'a lelapa le batlang le innoe wisking, le likelello tsa bona li holofalitsoe ke ho tsuba le ho noa, le ho hloaela bosiu bohole?

⁷¹ Banna ba emelang Molimo, ba kena ka pel'a Sefahleho sa Hae. 'Me ho kena ka pel'a Sefahleho sa Molimo ho tsoana le ho tsoa hoseng ka meso, ka nako ha phoka le lihlats'ana tsohle li le monate. Ha u fihla ka pel'a sefahleho sa motho ea joalo, u a tseba hoba ba ne ba le 'moho le Molimo.

⁷² Mohatsa ka o itse ho 'na, ha re theoha, hoseng hona. A re, "Billy, ha ke batle ho bua sena ho thooletsa mang kapa mang. Empa," a re, "maobane bosiu," kea lumela, kapa a mang a masiu, a re, "Keha ke lutse pel'a e mong oa basajana ba ma-Amish, le mofumatsana ea roetseng kepisinyana hloohong." A re, "Me u ka bolela hore mosali eo o bile le Jesu, hoba o ne a le mosa. Moea oa hae o ne o le bonolo. Mahlo a hae a elile." Ha ho sebe sa letho ho ipata ka morao, kapa eng kapa eng. O ne a tsoa ka pel'a Sefahleho sa Molimo. Lithokutlo tsa hae li sa tepeletsoa, ke wiski le koae, le mefuta eohle ea lintho tsa lefatše. A hlasimolotsoe ke Boteng ba Molimo, a bala Bibele ea hae, a ntse a thuisa Lentsoe la Molimo.

⁷³ Empa, rona Maamerika a kajeno, seo re se etsang! 'Me baporofeta ba bohata ka mor'a sefala ba re ho itoketse. Ke batla ke sekametse ho bua sena. Haeba ke fositse, Molimo a ntsoarele. Ke kholisehile hoba bongata ba bona ha bo tsebe Molimo. 'Me phutheho e ke ke ea phela holimo ho feta molisa oa eona. Ha ho makatse ha Lengolo le re, "Balisa bana, ba qhalantse mohlape hakaakang! Ho malimabe bona. Ke makala a sa beheng tholoana, a tla ponngoa a chesoe."

⁷⁴ Lintho li ngata haholo ho thotofatsa maikutlo a batho kajeno! Oh! Empa har'a tseo tsohle, ho sa natsoe ho thotofatsoa le lentsoe le leng le le leng le leng teng lefatšeng kajeno! A mang ke ona, mantsoe a menyaka. A mang a ona ke—ke mantsoe a sebe, ho hohela batho. Empa ho sa tsottelehe karoloana e 'ngoe le e 'ngoe ea seo, 'Nete ea Molimo e ntse e le teng, "Ea tla utloa Lentsoe la Ka 'me a Ntatela!" Ho banna le basali ba tla utloa Lentsoe la Molimo: Molimo o emetse ho bua le motho e mong le e mong ea tla bula litsebe tsa bona ho utloa Lentsoe la Molimo.

⁷⁵ Haeba monna, e ka bang mang, le molisa... Hangata, batho ba re, "Na u ke ke oa etsa *see*? Na u ke ke oa mathela *mona*? Na u ke ke oa etsa *see*?" Oh, ke rata ho e etsa. Empa ke tlameha ho lula ka pel'a Sefahleho sa Molimo haeba ke tla etsa ntho eo ka nepo. Joale batho ba re, "Oh, Moena Branham ke e mong oa batho bana ba ikarolang." Ha se eona. Ke rata batho, empa ho na le likete tsa bona feela. Empa ke lokela ho lula le Eena, ho fumana seo A

batlang hore ke ba bolelle sona. Kae-kae, mamelang feela, O tla u ts'oarela ho hong, seo A batlang hore u se tsebe.

⁷⁶ Molisa, u se ke oa phathahana haholo empa u lule ka pel'a Sefahleho le ho mamela Lentsoe la Hae. Molimo o boloka Lentsoe la Hae kamehla. 'Me ho sa tsotellehe linako li mpe hakae, kereke ea hau e ka ruta hakakang khahlano le eona, Jesu Kreste o ntse a ikemiselitse ho bua Lentsoe leo le lesesane le khutsitseng ho mang kapa mang ea tla Mo mamela. O sa ntse a itokiselitse ho e etsa, hola feela re ka ikhutsetsa.

⁷⁷ Empa re mathela ka hare, rea ferekana, le ho re, "Hela, molisa, na nka ingolisa kerekeng ee?"

"U tsoa kerekeng efe?"

"*Hore-le-hore.*"

"Be, re tlisetse lengolo la hau." Oh, khili!

"Na nka ingolisa le kereke ee?"

⁷⁸ "Oh, ee. Tsoa, 'me re tla ufafatsa hanyenyane, ka metsi, 'me re ngole lebitso la hau bukeng. 'Me u otolleloa letsoho le letona la bolekane."

⁷⁹ Joale, tsamaiso ea Masonic Lodge e betere ho feta eo. Ke 'nete. Masonic Lodge le liloje tse ling tsohle li lokile, empa e sa ntse e se ntlu ea Molimo. Ke hona moo Molimo a buang. Liloje tse li leka ho u etsa motho oa boitšoaro, empa Molimo o u etsa ea lokileng ka Jesu Kreste, Mora oa Hae. Joale, molao oa boitšoaro o teng ho eona; Molimo o u tšoaretse Tsoalo e ncha.

⁸⁰ Empa mamela Lentsoe la Hae le lesesane le khutsitseng. E mong le e mong oa lona batho ba ipolelang hore le Bakreste, le ikhutsetseng ka pel'a Hae. U se lumelle ho sitisoa ke ho hlatsoa liaparo. U se lumelle ho sitisoa ke mosebetsi. U se lumelle letho ho sitisa. U se lumelle motho ho tseba seo u se etsang. E-ea feela ka pel'a Hae. Tsoha u kene morung kae-kae. Tsoela ka thoko ho tsela. Kena ka phaposing e sephiring 'me u koale lemati. Ha bana ba fihla sekolong, khumama mono ka mangole a hau. U utloile mantsoe a mefuta eohle hohle, empa theoha feela 'me u lule mono ho fihlela mantsoe ao a khutsitsoe 'me u qala u phaphama. Le tla u fetola. Le tla u fetola, joaloka ha Le entse Samuele enoa e monyenyane. Le tla u etsa se seng ha feela u ka e etsa. Joale, Le tla u etsa seo u lokelang ho ba sona. Le tla u etsa Mokreste eo u lokelang ho ba eena.

⁸¹ Joale ha re tlohang tsatsing lena la sejoalejoale, ho ea letsatsing le fetileng. A re khuttleleng matsatsing a mehla e qalang. 'Me Lentsoe lena la Molimo le tlile ho batho mekhahlelong eohle ea bophelo, mengoaheng eohle. Ho sa tsotellehe haeba u le sehoai, u le motei oa lieta, u ka ba eng, Molimo o sa ntse o bua. Haeba u le moetsalibe, haeba u le seotsoa, sehlola, haeba u le letaho, haeba u le (eng?) setho sa kereke ea

lehae, ka maipolelo—ka maipolelo, seo u ka bang sona, Lentsoe la Molimo le ntse le emetse ho bua le uena.

⁸² Joale ke nahanne ka Moshe, mohla a seng a le lilemo li mashome a robeli, 'me a apere koetliso ea thuto ea bolumeli ea lilemo tse mashome a robeli. 'Me o ne a tseba Mangolo; o ne a A tseba hantle. 'Me o ne a tsepisitsoe, hore e tla ba moloaneli oa batho ba ha'bo. Empa, koana, ka ho tseba Mangolo feela le ho ba e—e leloko la kereke le fofa la kereke ea sejoale letsatsing leo, a inkela ntho eo matsohong a hae 'me a leka ho e etsa. O ile a bolaea Moegepeta. Na u bona seo u se etsang kantle le ho mamela Molimo? U e senya feela.

⁸³ Me ha liabolosi, hoseng hona, a ka re, "U se ke oa kolobetsoa." E mong a ka re, "Oh, e etse hamorao." E mong o tla re, "Molemo ke ho etsa bonneta ba ho tseba seo u se etsang." 'Me e mong o re, "U tla fosoa ke boithabiso." Tsela e 'ngoe feela ea ho rarolla taba eo, ke ho ea Lentsoeng la Molimo ka eona. Empa batho, kajeno, ha ba bonahale ba batla ho etsa hoo.

⁸⁴ 'Me, Moshe, a tsoa ho borabi ba khabane, empa ba se ba hoamme 'me ba hatsetse. O ne a utloile pale eo 'm'ae a 'moleletseng eona, kamoo a ileng a patoa mahlakeng, le kamoo likoena tse kholo li sa kang tsa khona ho mo tšoara. Kamoo seo, leseanyana leo, le ileng la lepella le theosa le molapo oo. Moo ho . . .

⁸⁵ Likoena tsa khale li ne li nonne feela. (Sena se lebositsoe ho bana ba banyenyane.) Li ne li nonne, ka ho ja maseanyana ao. Ba e-na le basali ba khale ba linko li khopo, basali ba mapolesa, ba eso be le lesea, ba sa tsebe lerato la lesea. Khele, ba tsoela mono feela 'me ba ba tšoara 'me ba bolaea maseanyana ao, 'me ba a lahlele kahar'a noka. Likoena tseo tsa khale li ne li nontšitsoe feela, ke maseanyana ao.

⁸⁶ 'Me, koana, Molimo oa beha pelong ea 'mè ho sunya lesea la hae hantle lefung. Na ha le bone hoba e ne e le papiso ea Kreste? O kene hantle lefung. 'Me e 'ngoe le e 'ngoe ea likoena tseo tsa khale e ne e atamela sethotoana seo se theohang ka noka. Ua tseba hobane'ng li sa khona ho e etsa, hобанeng li sitiloe ho ja leseanyana leo? Lengeloi le ne le lutse mono. "Tlohang mona."

⁸⁷ Hobaneng? Molimo o laella Mangeloi a Oona ho lebela batho ba Oona. Se ke oa tšoha, moratuo. Molimo o u lebetse. Liabolosi a ka leka ho u etsa lethoana, empa Molimo o fetisa ka boholo. Le a bona?

Kahoo, likoena li tlameha ho baleha sethotoana seo.

⁸⁸ 'Me, koana, Moshe o tsebile lintho tsena tsohle. 'Me, koana, ka mor'a lilemo tse mashome a mane tsa koetliso, 'me hape ka har'a lehoatata, a ntse a leka ho nka ntho eo, matsohong a hae.

⁸⁹ Re tseba Bibele, seo Molimo a reng se etsoe, leha ho le joalo re re, "Be, joale, re tla etsa Sena ka tsela *ena*. Ke, feela, matsatsi

a mehlolo ha a sa le eo. Rea tseba ha re lumele hore re sa a bona, 'me rea lumela hore matsatsi a mehlolo a fetile. 'Me ho fafatsa ho itoketse hakaalo ka ho qoelisa. 'Me 'Ntate, Mora, le Moea o Halalelang' e itoketse hakaalo ka Lebitso la Morena Jesu. 'Me ka hona feela re tla... Ba bang ba nkile tsela eo, ka hona feela re tla etsa hoo, le rona."

⁹⁰ Moshe e ne e kile ea e-ba monna oa sesole. 'Me a hopola kamoo a koetlisitsoeng, joalo ka monna oa sesole, hore a ka bolaea Baegepeta bao mph ka letsoho la hae. "Ho itšoanele feela hantle feela le ho etsa seo Molimo o se entseng." Na u kile oa nahana ka eona? E mong le e mong o nyatsa Moshe ka ho bolaea monna a le mong. 'Me a khutlela tlase mono ka tlotso ea Moea o Halalelang 'me a bolaea ntho eohle, ha ho motho ea buileng letho ka eona. O bolaea lebotho lohle la Faro, empa Molimo o ne o le ho eona. Molimo o ne a le sieo ho ea pele.

⁹¹ 'Me hape Moshe, ea hlohluoeng thutabomolimo ea kereke, e tla ba mohlahlami oa faro. 'Me rea mo fumana, a ntse a sa tsebe Molimo.

⁹² Empa hoseng ho hong, motšeо ho lehoatata, leqheku la lilemo tse masho-robeli, litelu tsa hae li lepelletse, o bone sehlahla se tukang. 'Me a kheloha ho bona se etsahalang. 'Me ha a atamela sehlahla, a utloa Lentsoe. Molimo oa tlameha ho mo khutsisa lilemo tse mashome a mane, pele O ka bua le eena le ka mohla. 'Me ha re khone ho khutsa metsotsotso e leshome, hore Molimo o bue le rona, ka letomotomo lohle le molumo oa rona oa letsatsi lena.

⁹³ Leha ho le joalo, Moshe, ka mor'a lilemo tse mashome a mane, a ema mono, le ka pel'a Sefahleho sa sehlahla seo. 'Me Lentsoe leo le le leng le 'mitsitseng, o tsebile haholo ka Molimo metsotsong e mehlano, ka mor'a moo, ho feta lilemo tsohle tse mashorobelis tseo koetliso e mo rutileng sona. E mo fetotse monna ea fapaneng.

⁹⁴ E tla fetola uena monna le mosali le fapane, haeba u ka ema feela halelele ho lekana ho utloa Lentsoe la Hae, joaloka ha Samuele a entse. Ema feela. U se ke ua roaleha. Ha u batla ho hong ho Molimo, kopa Eena; ebe u ema le ho mamela, le ho bona seo A tlang ho se bolela ka eona. Bula pelo ea hau feela, u re, "Ho ka thoeng ka eona, Morena Jesu?" Lula mono feela. Haeba A sa arabe lihora tse hlano tsa pele, joale u eme tse ling. Haeba A sa arabe kajeno, O tla araba hosane. Haeba A sa arabe vekeng ena, O tla araba vekeng e tlang. Lula mono ho fihlela A araba.

⁹⁵ Utloa Lentsoe la Hae le arabela, ka pelong ea hau, le ho re, "E, Ke 'na Morena ea u folisang." Tsohle li felile. U ka itulela nakong eo. Le a bona? "Ke 'na Morena Ea tšoarelang libe tsohle tsa hau. Joale tloha 'me u se hlole u etsa sebe. Ha Ke u ahlole." Joale u ka tloha u lokolohile. U itoketse. Empa u batla ho ba le

bonnête ba hore u utloile Lentsoe leo le bua. Moshe o Le utloile. E ne e le monna ea fetohileng.

⁹⁶ Shebang Esaia, moporofeta. Ha e sa le mohlankana, o ne a e entse. Khosi Osiase e moholo ea ratoang, mehleng eo, monna ea lokileng, monna ea molemo. O ne a rata Esaia, hoba a mo tsebile e ne e le moporofeta. 'Me ka hona a mpa a itšetleha holim'a letsoho la khosi. Sohle seo a se batlileng, khele, Osiase a mo nea sona. 'Me nako le nako ha a batlile eng, khele, khosi ea lokileng a mo nehe eona. Empa khosi a shoa ka mohla o mong.

⁹⁷ Katleho kamehla e senya batho. Ke ntho e thata ho e bua. Empa katleho e tlosa motho ho Molimo. Molimo o buile tulong se le seng, ka Bibeleng, ntho e kang ena, 'me A re, "Mohla Ke neng ke u hlohonolofalitse, le ho u atisetsa haholo. Enere u sa futsanehile u se na letho, Ke tlide ho uena, 'me oa na oa Nkutloa 'me oa Ntšebeletsa. Empa eitse ha Ke u hlohonolofatsa le ho u neha letlotlo, joale oa sokollela hlooho ea hau hole le 'Na." Ke seo Amerika e se entseng, ho sokolla lihlooho tsa bona.

⁹⁸ Ke seo likereke li se entseng. U ka lula likoung, oa rua meaho e meholo e metle, le limilione tsa lidolara ka... e tsetetsoeng teng, le sohle se le bonolo bo ka khonehang. Ha ho makatse u se na nako ea ho utloa Lentsoe la Molimo. Empa ema ho fihlela hora eo ntho eo e tlosoang, ke mohla u tla labalabela ho Le utloa. Ntho e 'ngoe le e 'ngoe e lokile joale, empa hora e a tla ho ke ke ha hlola ho e-ba joalo.

⁹⁹ Ka hona, Esaia, o ne a ka itšetleha ka letsoho la khosi. 'Me e ne e le mohlankana ea mohau, 'me mohlankana enoa a le moea o motle, kahoo khosi a mo rata. 'Me ka tsatsi le leng, mabili a pshemoha tlas'a hae. Khosi a shoa. 'Me ha khosi a eshoa, ebile Esaia o lokela ho tsamaea a le mong. 'Me eaba o qala a qamaka, 'me a fumana bohle ba sa tšoane le khosi.

¹⁰⁰ U tla lelekua, ka le leng la matsatsi ana, ho liphutheho tsena tsa bolekane tse kang ena. Ho tla fihla mohla u tla tlameha ho ba setho sa mokhatlo, ho seng joalo u ke ke oa rapela. Joaloka ha le tseba, Lengolo le re ho tla ba joalo. Ba mpa ba u soma feela joale. Empa ho tla fihla mohla e tla ba khanyetso, hobane letšaoa la sebata le tšoanelia ho tla. U tla ba setho sa konfederasi ea likereke, sebata joaloka ha se le Roma, kapa u ke ke oa rapela ho hang. Ke seo Lengolo le se bolelang. Ke mohla u tla tlameha ho lla joaloka Esaia a entse.

¹⁰¹ 'Me a theohela tempeleng, 'me a eleloa mohlang oo. A phahamisa matsoho a hae 'me a re, "Oho Morena, ke motho ea melomo e litšila." U nahana hore u lokile, empa ema ho fihlela mohlang oo. "Ke ahile har'a batho ba melomo e litšila." O entse'ng? A tlala thoothelo.

¹⁰² 'Me ha u thootheloa ka ntho ena, ntho e 'ngoe e tla etsahala. Ha le thootheloe ho lekaneng. "Oh, be, ke ingolisitse le kereke. Ke

phetho." Empa u tlameha ho tlala thoothello ka eona. U tlameha ho hloka Molimo ka 'nete.

¹⁰³ Jesu o itse, "Ho lehlohonolo ba lapelang ho loka le ba nyoretsoeng ho loka, hobane ba tla khorisoa."

¹⁰⁴ Empa ha feela u khotosfaletse lintho tsa lefatše, Molimo a ka bua joang le uena le ka mohla? U re, "Molimo ha o eso bue le 'na." Hobaneng? O batla joalo. Empa u tletse lintho tsa lefatše haholo. Ke eona taba ea rona kajeno. Re qeta nako eohle ea rona linthong tsa lefatše, le menateng ea lefatše, 'me ha re fe Molimo nako. Ke 'nete.

¹⁰⁵ Joale, re fumana Esaia a ile a tlala thoothello. 'Me a hoeletsa, 'me a ipolela libe tsa hae, 'me a bolela libe tsa batho. Hoba a qete ho ipolela, a utloa molumo holim'a hae. 'Me eitse ha a sheba holimo, Likerubime e le tseo, li fofela pele le morao ka mohahong. Mapheo a holim'a lifahleho tsa Tsona, le mapheo a holim'a maoto a Tsona, le ho fofa ka mapheo, li hoeletsa, "Oa halalela, oa halalela, oa halalela, Morena Molimo ea Matlaohle."

¹⁰⁶ Ntho e 'ngoe e ne e etsahala. Esaia o ile a tlala thoothello. Molimo oa kena mosebetsing. 'Me Esaia a hoeletsa, "Ke melomo e sa hloekang," hoba Lentsoe le sa tsoa bua. La mo fetola.

¹⁰⁷ "Ke mang ea tla ea bakeng sa Rona?" ha rialo Lentsoe. "Ke mang ea tla ea? Ke mang ea ikemiselitseng ho ema sekheong, har'a seholpha see sa baithuti ba thutabomolimo? Ke mang ea tla ea letsatsing lena, le ho bolela hoba Ke sa le Molimo? Ke mang ea tla ea ahlola ho se hlooke ha bona? Ke mang ea tla heletsa liphutheho tsa bona tsa bolumeli le ho haha matla a Molimo o phelang hape? Ke mang ea tla ea?"

¹⁰⁸ Esaia o itse, "Morena, pele nka ea, ke tlameha ho fetoloa." Tse ling tsa litšabonyana tsena le lipherekano tsa tlameha ho tloha ho eena.

¹⁰⁹ Ho tla ba joalo ka motho e mong le e mong eo Molimo o mo bitsang! U tlameha ho tsoaloa labobeli, ho fetoloa le ho nchafatsoa. Eseng monahano; empa ho tsoa pelong ea hau, ntho e hlileng e etsahalang. 'Me le leng la Mangeloi . . . "Haeba u ka kopa, u tla fuoa."

¹¹⁰ Le leng la Mangeloi la fetela koana aletareng ea koporo, 'me la nka matlao 'me la okha leshala la Mollo o phelang, la titimela ho Esaia 'me la le bea molomong oa hae. Ho re, "Joale u hloekile. E-ea, u bue Lentsoe." Esaia a fetoloa hoba a utloe Lentsoe leo.

¹¹¹ Joale lilemong tsa hae tsa ho qetela, o ngotse Bibebe e feletseng. O qalile ho Genese 'me a qetella ho Tšenolo. Libuka tsa Bibebe li mashome a tšeletseng a metso e tšeletseng; likhaolo tsa Esaia li mashome a tšeletseng a metso e tšeletseng. Hobaneng? Hoba a ile a tlala thoothello, mohla a E boneng e hlokeha haholo.

¹¹² Daniele, tlase Babilona, joaloka ha re buile ka eena maobane bosiu. O ne a rerile pelong ea hae ho se itšilafatse ka lithuto tsa

Babilona. Empa ka tsatsi le leng, tlase mono, Daniele a hloka thuso. 'Me o tsebile hoba o ne a batla ho utloa Lentsoe la Molimo, koana o ne a tšoere Mangolo. Empa o ne a hloka ho utloa Lentsoe la Molimo. 'Me a theohela nokeng e *itseng*. 'Me a se ke a theohela mono feela le ho emisa koloi ea hae le ho khumama har'a lihlahla, le ho re, "Morena Molimo, ke batla ho U utloa. U hokae?" Che. Ha u e sebetse joalo. Esaia a ile a nka koloi ea hae, le baqhobi, 'me a theohetse nokeng 'me a ba khutlisetsa morao. O ne a tla lula ho fihlela a mameitsoe. Ke eona tsela. O ile a tlala thoothello ka eona.

¹¹³ A tlameha ho ikhulela hole koana le masole 'ohle, le balepi bohole ba linaleli, le banna ba bohlale, lingaka tsohle tsa thutabomolimo, le ba joalo, ba neng ba leka ho 'molella, "Sena! U etse *sena*, Daniele. U etse *sena*, Daniele." Empa a suthela hole le eona eohle. U tlameha ho etsa joalo le uena. 'Me a theohela nokeng, 'me a hlola mono matsatsi a mashome a mabeli a motso o mong, a kolokochana le Lengeloi la Morena.

¹¹⁴ Empa re bolelloa hore o ile a sheba holim'a metsi. Teng a bona Lengeloi le eme, leoto la Lona le le holim'a lefatše le leoatle. 'Me la phahamisa matsoho a Lona 'me la hlapanya ka Ea phelang kamehla le mehla, "Etlare ha lintho tseo Daniele a li boneng li etsahala, nako ha e a lokela e be e le teng." A ile a liehisoa matsatsi a mashome a mabeli a motso o mong ka lebaka la bokhopo ba naha.

¹¹⁵ 'Me haeba A liehitsoe matsatsi a mashome a mabeli a motso o mong ka baka la bokhopo ba lefatše leo, mehleng ea Persia, e ne e ka ba eng letsatsing lena? O ne a ka liehisoa ha kae? Empa tumelo eo e sa timeng, tlala le takatso e ka pelong ea motho, e ke keng ea re che ho Molimo, empa e tla tiisetsa ho fihlela Molimo o bua ho tsoa Leholimong. Ú ke ke oa bapala ka sena, ka Evangeli ena. Ha ho bapaloe ka Eona. E tlameha ho otla tekele, makhetlo a leshome holim'a a leshome. E tlameha hore e phethahale, kapa ha e a loka 'me e ke ke ea sebetsa. E tlameha ho ba e phethahetseng. Daniele o ile a rapela.

¹¹⁶ Re fumana ka Bibeleng, e ka ba khaolo ea 8, khaolo ea 7 kapa 8 ea Buka ea Liketso, eo, Mofarisi, mothoana, oa moikhantši ea reiloeng Saule. Oh, e ne e le moithuti oa thutabomolimo, ho lokile. A kile a lula tlas'a thuto ea Gamaliele 'me a tšoere Mangolo 'ohle, hantle feela kamoo e neng e loketse, ho ea ka baithuti ba thuthabomolimo ea letsatsi leo, oh, baikaketsi le baikalakatisi. 'Me a bona batho ba etsa ntho ea moea, 'me thutamolimo ea hae e entsoeng ke motho e sa ngomelane le Eona.

¹¹⁷ Ke papiso e kaakang ea kajeno! Ka botšepehi le bonnete pelong ea hae, joaloka boholo ba batho, ba hopola batho ba tsoetsoeng labobelis ba hlanya. Ba hopola pholiso ea Khalalelo le matla a Moea o Halalelang e le ntho eo ba *buang* ka eona, empa ke 'nete.

¹¹⁸ Eitse a sa le tseleng ea hae a theohela Damaseka, ka tsatsi le leng, a suntse litaelo tse itseng pataneng ea hae, ho tsoa ho—ho tsoa ho mobishopo oa kereke, ho theoha le ho falatsa sehlopha seo sohle sa bahalaleli ba thethehang se neng se hoeletsa se hlabile litlatse, le—le ho tlolela holimo-le-tlase, le ho bua ka lipuo lisele, le—le ho folisa ba kulang. “Me, khele, ke sehlopha sa matemona,” ho itsoalo ke baithuti thutabomolimo. “Theoha u ba qotse, ’me o ba busetse holimo mona ka mahlaahlela!”

¹¹⁹ “Ehlide. Ke mohlanka oa hau, bishopo!” Oh, khili! Oh, e ne e le monna ea phahameng. O apesitsoe D.D., Ph. D., le a tseba. Eaba o qhoma a kalla pere ea hae, ’me a tloha, a teetsoe hare ke sehlopha.

¹²⁰ Empa tseleng ea hae, ha e batla e le motšeare o moholo, Ntho ea mo ratlanya fatše. ’Me a sulubana leroleng joaloka lehlanya, a tšoehla makoeba. ’Me a utloa Lentsoe le re, “Saule, Saule, u Ntlhorisetsa’ng?” E ne e le Eng? Ha se mothuthi ea itseng oa thutabomolimo ea buang le eena, empa Lentsoe le tsoang Leholimong, “U Ntlhorisetsa’ng?”

¹²¹ ’Me a pitikana leroleng, ’me maphutha a sefahleho sa hae a thunthelitsoe ke lerole, ’me likeleli li phalla marameng a hae, mohlomong, A re, “Morena, U Mang?” Eitse ha a tšoelimisa mahlo, a foufala joalo ka ’mankhane.

¹²² Topallo e kholo ea Mollo e ne e eme mono pel’ a hae, ’me Lentsoe le tsoang ho Eona la re, “Ke ’Na Jesu eo u Mo hlorisang. Thuto ea hau e teiloeng esale e fositse.” E ne e le eng? Pono e bulehileng e ne e hlahile, Lentsoe la Molimo le ne le etsoa ’nete.

¹²³ Oh, baena, ke seo re se hlokang kajeno, ke ho hong hape ho kang hoo.

¹²⁴ Ke batla feela ho leboha Morena. Banana bana ba banyenyane, ba litulong tsa bakuli maobane bosiu, ba tlileng, ba nyolohang ba tsamaea kajeno, ba se holim’ a litulo tsa mabili, ka hona ba tloha. Uh-huh. Morena a le hlohonolofatse, banana, le lutseng mono. E entsoe ke’ng? Eena Jesu ea buileng ka Lentsoe le ka holim’ a hloleho morao koana, o sa bua le kajeno.

¹²⁵ “Saule, Saule, u Ntlhorisetsa’ng?” Saule e ne e le monna ea fetohileng.

¹²⁶ ’Me batho ba lokela ho fetoloa kajeno athe ba ka bona le ho utloa Lentsoe la Molimo o phelang le bua joaloka ha A ne A tsamaea Galelea. Oh, ehlide.

¹²⁷ “Saule, Saule, u Ntlhorisetsa’ng?” E entsoe ke’ng? Na O mo theoletse kolecheng ea thupelo ho mo ruta thuto e ncha ea bolumeli? Che, ha A etsa joalo. O entse’ng? A bua le eena, ’me ha hlahla Lentsoe le hlakileng le buang ka Lero. E ne e le eng? Oona Molimo o thoathoarelltseng holim’ a Thaba ea Sinai.

¹²⁸ Likopanong, libakeng tseo Moea o Halalelang o hlileng o fihla, u utloa lentsoe la motho le fetotsoe. ’Me a sa tsebe le

hanyenyane, li-ABC, empa Kreste a ka nka lentsoe leo 'me a bolela liphiri tsa Molimo o Matlaohle. Le loketse ho fetola monna le mosali e mong le e mong ea lutseng ka pel'a Sefahleho sa Hae...?... "Ke utloile Lentsoe," a rialo. Oh, re otsela haholo. Ha ke tšepe joalo, e tla tlameha ho hlakisoa ho feta moo. Empa re a otsela likerekeng tsa rona, thutong ea rona ea bolumeli, monahanong oa rona, le mekhoeng ea rona ea bophelo, ho fihlela re hholeha ho utloa Lentsoe leo ha Le bua.

¹²⁹ "Oh," ba re, "e ka ba botsebi ba ho bala mohopolo. E ka ba, u a tseba, e ka ba *sena, sane*, kapa se *seng*."

¹³⁰ Ho ka thoe'ng hola Moshe a itse, "Hela, kea ipotsa haeba leo e ne e le letemona sehlahleng seo?" Huh! Ha ho potso ho Moshe, o utloile Lentsoe.

¹³¹ Haeba u re, "Oh, mohlomong ke letsoalo la ka feela le mpolellang seo."

¹³² Haeba u le ngoana oa Molimo, u tla tseba hore ke Lentsoe la Hae. "Linku tsa Ka li utloa Lentsoe la Ka. Linku tsa Ka li utloa Lentsoe la Ka." Li tla tseba.

¹³³ E mong o ne a le teng, ea bitsoang Petrose, o ne a pholositsoe, a bile a tlatsitsoe ka Moea. 'Me a ntse a batla ho tiisetsoa mekhoa ea baholo. Sohle seo a ka se tsebang, se ka be se le ka mona Lentsoeng. 'Me ka tsatsi le leng, holim'a ntlu, mohla a batlileng ho boloka meetlo ea, "U se ke ua nama... ho ja nama efe, le lisabatha, joalo-joalo." Batho ba bangata ba sa ntse ba leka ho tiisetsa lintho tse joalo.

¹³⁴ 'Me tsatsi le leng o ne a le holim'a ntlu, a utloa Lentsoe le reng, "Seo Ke se hloekisitseng u se ke ua re 'ha se a hloeka.'"

¹³⁵ Molimo, ekare A ka nka sehlopha sa bareri phuleng ena mona, le ho ba tsebisa hore ha re hlanye, ha re bahalalelibathethehi, sehlopha sa matlakala. Ke Moea oa Molimo o phelang. 'Me banna le basali ba tahiloe ke molemo oa Hae. Ha se boloi kapa bokhoni ba ho bala kelello. Ke Moea oa Molimo o phelang. Lahlang meetlo ea lona, baholo, 'me le mamele Lentsoe la Molimo o phelang. Le tla u fetola. U ke ke ua ba e mong oa bahlorisi. U tla batla ho ba e mong oa bona. Haeba u ka tlola marako a lithuto tsohle tsa hau, ho fihlela u ka fofela ka pel'a Sefahleho sa Hae koana, ntho e itseng e tla etsahala. U ke ke ua lumela hore matsatsi a mehlolo a fetile. U tla lumela hore a teng mona hantle, hoba o mong o tla phethisoa holim'a hau, ehlile, ho fetola motho. Ke seo Lentsoe la Molimo le se etsang kamehla. Le fetola banna le basali 'me le ba etse seo ba lokelang ho ba sona; e seng seo likolo le mesuoe e se entseng, empa seo Molimo a ba ralileng ho ba sona.

Lentsoe, le buang! "Ke utloile Lentsoe."

¹³⁶ Oh, kamoo nka ratang ho kena boiphihlelong ba ka bo bongata. Le kamoo le ratang ho ea bopaking ba lona bo bongata, bongata ba lona banna le basali ba utloileng Lentsoe la Hae.

¹³⁷ 'Me ke sa hopola ke Le utloa ke sa le moshanyana e monyenyanane, tlase koana lithabeng tsa Kentucky. 'Me ka hopola E ne e le nonyana e lutseng sefateng, empa nonyana ea fofa. A re, "U se ke oa tšoha, hoba u tla falla mona ka tsatsi le leng, 'me u lule haufi le motse o bitsoang New Albany." Ke utloile Lentsoe la Hae ha A re, "U se ke oa tsuba, kapa oa noa, kapa oa silafatsa 'mele oa hau ka basali le lintho tse joalo. U beetsoe mosebetsi ho o etsa mohla u holang-holang."

¹³⁸ Oh, E sa ntse e le eena Morena Molimo. 'Me u Mo utloa, hora ka mora hora, a bua le uena ka phaposing ea hau e nyenyanane e sephiring, ka phaposing ea hau ea thapelo. Ho tsoela ka pel'a bamameli, le ho bua ponts'eng ho batho. Lentsoe la Molimo, Le ne le le theko e thata matsatsing a Samuele. Le theko e thata ho feta kajeno. Hobane, ho ne ho se pono e bulehileng.

¹³⁹ Petrose o utloile Lentsoe, 'me Le fetotse thutamolimo ea hae eohle. A ea hantle ho Balichaba, bao a neng a nahana hore ke sehlopha sa batho ba sa rutehang ba lilahloa. Empa, Lentsoe la Molimo, e seng thuto ea hae, Lentsoe la Molimo o phelang le ile la mo fetola.

¹⁴⁰ 'Me joale e mong hape. Ho ne ho le monna ea lokileng, khetlo le leng, ka Bibeleng. Motho ea tsebanang le Jesu, a Mo rata, a lumela ho Eena, le ho Mo khumamela, 'me a bapetse le Eena, 'me a kene maralleng le Eena, le tlase nokeng, a tšoasa lihlapi le Eena. E ne e le monna ea lokileng. Ka letsatsi le leng, hoba Jesu a tsamaee, lefu la khukhuna la kena phaposing ea hae.

¹⁴¹ 'Me o ne a tlohetse kereke ea khale ea molao, eena le likhaitseli tsa hae tse khabane, Marethla le Maria. 'Me ba ne ba tsoile hobane ba ne ba Mo rata, 'me ba Mo lumetse e le Messia. 'Me ka ho etsa joalo, kereke ea ba khaola ka potlako.

¹⁴² 'Me mohlankana enoa a kula hoo a bileng a shoa, 'me a se a patuoe, matsatsi a mane. Lithuto tsa thutabomolimo li ne li ka thusa'ng nakong eo? Molemo ke ofe ho kereke ea hae lekhatheng leo? Empa Lentsoe la Molimo e ne e le leo, lefats'eng, 'me A bua le Lazaro. 'Me Lazaro, monna ea neng a shoele a bolile lebitleng, a utloa Lentsoe la Hae, 'me a tsoa 'me a boela phela.

¹⁴³ Ke na be ke shoele, sebeng le littolong. Le na be le shoele sebeng le littolong. Empa e ne e le Lentsoe la Molimo le itseng, "Tloong ho 'Na, lona bohle ba khathetseng ba imetsoang, Ke tla le imolla."

¹⁴⁴ Ke bone Lentsoe le bua le sehlotsa, se otloloha. Ke bone Lentsoe la Molimo le bua le lifofu, 'me mahlo a hae a tutuboloha. Ho ba shoang, ba tšoeroeng ke mofetše, ho molepera, ho ba bona ba khutlela nameng, ba phela hantle hape. Ke 'Mone a bua le makhoba a tahi, le makhoba a kelello, le

batho bomolelekao, le sehlopha sa linokoane, 'me ba fetoha mafumahali le bahlomphehi, le bahalaleli ba Molimo o phelang, hobane Lentsoe la Molimo le buile. Ke seo re se mamelang, kajeno.

¹⁴⁵ E reng ke koale ka ho bua sena. Nako e a tla, eo ka eona moea oa hau o lelerang o tla tlosoa 'meleng oa hau, 'me o habile mafinyellong kae-kae, o lelera koana lefifing, kapa ho kena koana lifubeng tsa Molimo. Lentsoe leo le tla bua hape. 'Me Bibele e boletse, ho re, "Bohle ba lebitleng ba tla utloa Lentsoe la Hae, 'me ba tla tsoa. Ba bang ba tla kena masoabing le linyefolong tsa kamehla le mehla. 'Me ba bang ba tla tsohela khotsong le thabong e sa feleng."

¹⁴⁶ Hoseng hona e ka ba nako ea hau ho etsa qeto, hore u tla mamela seo thelevishene e se buang, kapa seo pampiri e se buang, kapa seo baithuti ba thutabomolimo ba se buang, kapa seo Molimo a se buang. Ere ke u boelle, joaloka batho. U se ke oa mamela se boleloang ke eng, empa seo Molimo a se bolelang. Emela Lentsoe leo le lesesane le khutsitseng, 'me O tla u fetola.

¹⁴⁷ U re, "Ke rata ho lumela, Moena Branham. E ka re nka lumela. E ka re nka etsa lintho tse itseng." Empa ha u khone. Hobaneng? Ha u khutse nako e telele ka ho lekaneng. Ha u fihle sebakeng seo ho sona e—e lipelaelo li felileng kaofela.

¹⁴⁸ Ha u kena sebakeng seo lipelaelo li felileng ho sona, ke moo u tla lokoloha, 'me u ka utloa Lentsoe la Molimo le bua. "Ngoana Ka, Ke Mopholosi oa hau. Ngoana Ka, Ke mofolisi oa hau. Ha u a tlameha ho etsa lintho tsena. Ke shoelo hore u tle u lokolohe. Empa ha feela u ntse u le tlase mona thothomelong ena, u tsoakane le mantsoe a mefuta eohle, fofela hole feela le 'ona kaofela."

¹⁴⁹ E nkhopotsa khetlo le leng ke le lithabeng hang. Ebile nke ke ka lebala maiphihlelo ao. 'Me mona lilemong tse ka bang leshome tse fetileng, kapa e batla e se khale hakaalo, ke ne ke thusa Mongh. Jefferies ho phutha makhomo, mohla ba neng ba beha letsoai holim'a lipere. 'Me ke ne ke alosetsa manyeketheng a itseng moo nka li fulisang kantle, moo makhomo a ka khonang ho fihla teng. Morao koana, limaele tse mashome a supileng, mohlomong, hole le tsoelopele. Kapa, ke bolela, limaele tse ka bang mashome a mararo, mashome a mararo a metso e mehlano, mohlomong limaele tse mashome a mane, ho ea Kremmling, Colorado, moo u thulanang le torotsoana ea baahi ba ka bang makholo a supileng kapa a robeli. 'Me ke ne ke tšoere pere ea ka, 'me ke ntšitsemekotlana, ke e hlohlolotse. 'Me re sheba, re tsoma makhomo ka libonela-hôle. 'Me ke ne ke ropile pere ea ka lehonng, 'me litereilara li le ka mora eona, e leng, pere, pere ea tleloko e ka pele, 'me ka nyoloha maralla, 'me le le letle haholo, e le ka sehla sa selemo, 'me ke shebile ka nqane ho liphula, ke shebeletse metsi ntsapolang, koana hole-hole, 'me eare ha ke ntse

ke shebile, e ne e le har'a mpa ea thapama, 'me ka bona ntho e 'ngoe ntšositseng.

¹⁵⁰ Ke bone 'mè oa khale a ntša bana ba hae sehlaheng, ntsu nonyana ea khale. 'Me ea oka-oka holim'a tsona ho fihlela e a hloesa mapheong a eona. 'Me li kile tsa tsoa sehlaheng pele. Empa a li thotela tlase phuleng. Li eso fihle tlase mono pele. Li mpa li ithuta ho fofa feela. Kahoo, ea li tlöhela. 'Me tsa itsamaela joalo, li ntse li koma-koma joang, 'me li ntse li tlolana holimo, li iketlile kahohle kamoo li ka khonang kateng. 'Me eare ke sa lutse mono, ka nahana, "Joale, na hoo ha ho tšoane le sehlopha sa Bakreste ba sebele, ba lumelang! Ba iketlile." Ke hobane'ng li ne li iketlile? Li ne li sa tlameha ho tšoha letho, hoba mama a ile a khutla hantle 'me a lula fatše holim'a lefika, ho li lisa. Oh! Seo se e fetola joalo feela.

¹⁵¹ Ha u qala u nahana, "Molisa *Sekete-kete* o tla nahana'ng ha nka fumana Moea o Halalelang? Bishopo *Sekete-kete* o tla re'ng?" Ha ke tsotelle seo ba se buang.

¹⁵² Jesu o shoele, 'me O hloele liotloana tsa Khanya, 'me O lutse maholimong a maholimo. Ha ho letho le tla u tšoenya. Leihlo la Hae le bona serobele, 'me ke a tseba O a ncheba, 'me O a u lebelia.

¹⁵³ Ekare ha ho fihla mono, ho ka hlaha phiri, kapa ntho e ka ferekanyang le leng la malinyane ana, khele, eona... Li mpe li se leke. E ne e ka qotsa phiri eo letsohong la eona ka maro a eona, ho e thotela holimo maotong a ka bang likete tse 'maloa 'me ea e lokolla feela. E ne e ka qhaqholoha moeeng. Ha ho letho le tla tšoenya ba banyenyane. O tla e hlokomela.

¹⁵⁴ Ha ho letho le tla u tšoenya. U se tšabe ho nka Molimo Lentsoeng la Oona. Phomola feela, 'me u be le tumelo, le ho lumela. O u shebile. O tla qhaqha eng e lekang ho u khathatsa. Oh, e ka u hlasela, empa e ke ke ea u ntša kotsi. "Hobane lintho tsohle," O a e lumella. E ke ke ea eba letho, "Hoba e sebetsa 'moho molemong, ho ba ratang Morena." Ha ho kotsi e ka u hlahelang.

¹⁵⁵ 'Me ka hona, ka mor'a nakoana, ha hlaha sefeko. 'Me ha sefeko se qala, se fihla kapele, tseo tsa leboea, lehalimanyana le moea oo o tlāng, ka limaele tse mashome a tšeletseng kapa tse mashome a supileng ka hora. 'Mè eo oa khale a hlaba mokhosi o moholo, 'me a theohela phuleng. 'Me mohoo oo, o entse'ng? Lintsu tseo tse nyenyanie li ne li tseba lentsoe la 'm'a tsona.

"Linku tsa Ka li tseba Lentsoe la Ka," A rialo.

¹⁵⁶ Kotsi e ne e le haufi. Joale, ha li a ka tsa chobel a tlas'a maqhetsa a lipatsi. Ha li a leka ho chobel a qubung e itseng ea lithôle. Tsa mpa tsa emela mama feela.

¹⁵⁷ Ke seo Mokreste a lokelang ho se etsa; ho bona seo Molimo a tlāng ho se etsa ka eona.

¹⁵⁸ 'Me eitseha e—e 'mè oa khale a hata fatše, maoto ao a maholohali *joalo*, a tsubella fats'e feela joaloka sefofane se

seholohali se tsoramang fatše. 'Me ea sunya hlooho ea eona moeeng 'me ea hoeletsa, 'me ea phukalatsa mapheohali ao, a ka bang maoto a leshome le metso e mene, ho tloha ntlheng ho isa ntlheng, bophara bo ka kaa ho tloha palong *ena* ho isa ho *eane*. Lintsunyana tseo li matha ka lebelo kamoo li ka khonang, tsa qhomela hantle holim'a mapheo a 'm'a tsona. Tsa nanabela 'me tsa itšoarella ka maotoana a tsona, ka melongoana ea tsona, tsa itšoarella ka le leng la masiba ao a thata ka mono. 'Me a thakhoha feela, mapheo ao a sa reketle ho hang, 'me a phahamela moeeng oo. Ka kotlolohohantle ho kena mafikeng, ho li patela sefefo se neng se tla.

¹⁵⁹ Oh, moena, sefefo se atametse. Utloa Lentsoe la Hae. Le bitsa uena, "Tsoa Babilona. Ikhethe. U se ke oa nka kabelo ho eena, libeng tsa bona. Ke tla u amohela. Le tla ba bara le barali ho 'Na. 'Na Ke tla ba Molimo ho lona."

Ha re inamiseng lihlooho tsa rona motsotso feela, ho koaleng. [Moena o fana ka boporofeta—Mohl.]

¹⁶⁰ Amen. Le utloile seo. Ke seo re se bitsang boporofeta ka har'a kereke.

¹⁶¹ Na ho ka ba le ba bang mona hoseng hona, etsoe ke ba tseba ba le teng, ba ka reng, "Morena Molimo, nkauhuele. Leha ke ingolisitse le kereke, ke entse boipolelo, empa ke—ha ke tsebe seo ho ikhutsetsa ka pel'a Hau ho se bolelang, le ho utloa Lentsoe la Hau le ntataisang le ho nthuta. Nke ke ka tseba seo nka se etsang holane U ka bua le 'na ka Lentsoe le utloahalang. Ke rata ho U tseba, hore U tle u bue le 'na le ho ntsamaisa litseleng tsa ka"? Na u ka phahamisa matsoho a hau hona joale le ho re, "Molimo, eba le mohau"? Morena a le hlohonolofatse, hohle, matsoho hohle. Tsoelang pele ho a phahamisa. Ke hantle. "Morena, nkauhuele. Ke U hloka haholo." Na ho ka ba le ba bang pele feela ho koaloa? Molimo u bona matsoho a hau morao koana, mofumahali, le uena ka morao, le emeng ka mela le joalo-joalo. Molimo o a u bona, esita le ho fihla kalaneng, holimo mona.

'Me Samuele a re, "Eli, na u mpitsitse?"

Eli a re, "Che, mora oa ka, ha ke eso u bitse."

¹⁶² E ne e se 'na ea buileng le pelo ea hau, motsoalle. E ne e le Molimo. Arabela feela le ho re, "Mohlanka oa hau o mametse. Nkuke paballong ea Hau, kajeno, Molimo. Ho tloha, letsatsing lena, ke be oa Hau ka bottlalo."

¹⁶³ Molimo Rabosafeleng, morati oa moea, 'Mopi oa lintho tsohle, e re Lentsoe leo le khutsitseng le lesesane la Molimo le buileng le Samuele, le buileng le Saule, le buileng le Petrose, le buileng le Daniele, le moporofeta Esaia, le ho theosa le mengoaha eohle, le buile hape hoseng hona ka tabernakeleng. E ka ba matsoho a mashome a mararo, kapa a mashome a mane, kapa a mashome a mahlano, a baetsalibe le litho tsa kereke, le batho ba nang le litsietsi, ba phahamisitseng matsoho a bona. Ba bangata

ba bona ba ne ba le teng mona maobane bosiu, 'me ba utloile Lentsoe la Hau le hlakile. 'Me joale, hoseng hona, Lentsoe lona leo le bua tlase botebong ba pelo tsa bona. Ba phahamisitse matsoho a bona, matsoho a bona nqa Lehelimong, ba bolela hore ba fositse, 'me ba batla ho loka.

¹⁶⁴ U boletse Lentsoeng la Hau, ho re, "Ha ho ea ka tlang ho 'Na, a sa huloe ke Ntate oa Ka. 'Me bohole ba tlang ho tla, Ke tla ba neha Bophelo Bosafeleng. Le ho ba tsosa ka letsatsi la bofelo."

¹⁶⁵ U e tsepisitse, Ntate. Joale re bitsa ho Uena, joaloka mohlanka oa Hau, ho neha bana ba phahamisitseng matsoho a bona, Bophelo Bosafeleng le thabo ea Bosafeleng. 'Me ba ke ba U phelele, ka matsatsi 'ohle a ho phela ha bona. 'Me qetellong ea tsela ea bophelo, ho kena thabong ea Morena. Aba sena, Ntate. Re e kopa ka Lebitso la Jesu le ka lebaka la Jesu. Amen.

¹⁶⁶ Ba bakae ba lona ba Mo ratang ka pelo tsa lona tsohle, feela pelo eohle ea lona? Joale, libakaneng tsena tjena... Ke siiloe ke nako feela. Empa Bibele e boletse, ho re, "Re lutse 'moho libakeng tsa Lehlimo ka ho Kreste Jesu." Moea o Halalelang o a fihla, o kena Lentsoeng, o theohela tlase har'a letsoe, 'me u ka Le shebella feela ha Le haola holim'a bona, le ba fetola.

¹⁶⁷ Joalokaha ke boletse, ke lumela maikutlong. Ehlide. Empa, uena, seo... U a bona, maikutlo ha a u fetole. Maikutlo a tlameha ho kenella hare ho fihlela a ama boitsoaro ba botho ba hau. Ke sona se u fetolang ho tloha ho moetsalibe...

¹⁶⁸ Moetsalibe ke eng? Ea sa lumeleng. Ho na le batho ba bangata kajeno, ba apesitsoeng e—e garata ea Bachelor of Art, ba apereng garata ea bongaka, ka Ph. D., le L. D. habeli lebitsong la bona, 'me e ntse e le baetsalibe. Ho tseba Bibele ho tloha ho Genese ho isa ho Tšenolo, ho rera sefaleng, 'me a ntse a lumela... e le ba sa lumeleng. Bibele e boletse, "Ea sa lumeleng o se a ahlotsoe."

¹⁶⁹ Botsa e mong oa batho bao haeba ba lumela Moea o Halalelang o baletsue kajeno. "Khele, ha ho joalo." Na u a lumela hore pholiso ea Khalalelo e teng? "Khele, ruri lekhale." E tla ba ke mosalumele. Ke hantle. Haeba Moea o Halalelang o le ka ho uena, na A ke ke a pakela Lentsoe la Hae ka Sebele? 'Me ha moea o ka ho lona o paka khahlano le seo Molimo a reng ke 'nete, ha se Moea oa Kreste. U ka ba setho sa church of Christ, empa ha u oa Kreste ho fihlela moea oa hau u re "amen" tsepisong e 'ngoe le e 'ngoe eo Molimo a e entseng. 'Me ha A tsepisa...

¹⁷⁰ Petrose o buile, ka Letsatsi la Pentekosta, a re, "Bakang, e mong le e mong oa lona, 'me le kolobeletsoe ka Lebitso la Jesu Kreste tšoareleng ea libe tsa lona, 'me le tla amohela neo ea Moea o Halalelang." 'Me haeba moea oa hau o re seo se ne etselitsoe letsatsi le leng... Lengolo le itseng? "Hobane pallo e etselitsoe lona," Mojuda, "le bana ba lona, le ba leng hole

kaofela,” Molichaba, “le bohole bao Morena Molimo oa rona a tla ba bitsa.” Tsepiso e tšoanang.

¹⁷¹ A re, “Ke ’na sefate sa Morara, lona le makala.” ’Me haeba eo e le Thuto ea lekala, lekala la pele, lekala la bobeli le lokela ho beha Thuto eona eo. ’Me eona Thuto eona e tla hlaha liphetho tse tšoanang. ’Me ha lekala ka leng le hlaha sefateng sa Morara, le tla hlaha ntho e tšoanang. Ke thabile, hoseng hona, ke thabile haholo ha e le moo ke tseba hore Moea oa Molimo o phelang o sa ntse o bua le ho rerisana le batho, ’me o tiisa Lentsoe la Hae.

¹⁷² Re kena tšebeletsong ea kolobetso metsotsong e ’maloa feela. Haeba u fafalitsoe, oa horometsoa, kapa oa qoelisoa ka tsela eseles e se ka Lebitso la Morena Jesu Kreste, u qholotsoa ho tla metsing.

¹⁷³ Joale u re, “Moena Branham, na u batla ho mpolella?” E, moena.

¹⁷⁴ Ho ha ho buuoe ka ho fafatsoa ka Bibeleng. Ha ho moo motho a kileng a fafatsoa ka Bibeleng. Joale hopolang sena. Ke botsitse deske ena, veke eohle. Mpatleleng motho a le mong ka Bibeleng a kileng a fafaletsoa tšoarelo ea libe tsa hae, ho horomeletsoa tšoarelo ea libe tsa bona, kapa a kile a kolobetsoa ka ho qoelisoa ka lebitso la “Ntate, Mora, Moea o Halalelang” tšoareleng ea libe tsa bona. Ha ho motho ea kileng a fafatsoa, a horometsoa, kapa a kolobetsoa ka lebitso la “Ntate, Mora, Moea o Halalelang,” ka har’ a mahlaku ’ohle a Bibele. Che, monghali. Ba ne ba . . .

¹⁷⁵ Ho ne ho le batho ba bang ba kolobelitsoeng ke Johanne Mokolobetsi khetlo le leng, ’me ba sa kolobetsoa ka lebitso ho hang, ’me ba kolobelitsoe ke eena monna ea kolobelitseng Jesu. Empa Pauluse, mohla a kopaneng le bona ho Liketso 19, a ba bolella ba tlamehile ho tla le ho kolobetsoa hape ka Lebitso la Jesu Kreste, ho seng joalo ba ke ke ba fumana Moea o Halalelang le joale.

¹⁷⁶ Hobo Petrose a fumane ba bang ba amohetseng Moea o Halalelang le pele ba kolobetsoa, a ba laela ’me a lula le bona ho fihlela ba kolobetsoa ka Lebitso la Jesu Kreste. Ke ’nete, motsoalle.

¹⁷⁷ Kea tseba batho ba bangata ba re, “Joale, Moena Branham ke Jesus Only.” Hoo ho fosahetse.

¹⁷⁸ Ke lumela Mangolo feela. Ha ke setho sa mekhatlo efe kapa efe. ’Me Jesus Only ha e kolobetse ka tsela eo, le hona. Ba kolobetsa feela, Lebitso la “Jesu.” Bibele e itse, “Morena Jesu Kreste.” Bo-Jesu ba bangata, empa Morena Jesu Kreste o mong feela. Le a bona? Le a bona? Kreste ke Messia. Le a bona? ’Me ho lokile.

¹⁷⁹ ’Me joale, metsoalle, joale, lona ba leng teng mona hoseng hona, ha le eso ho kolobetsoe ka tsela eo, a Lentsoe la Molimo le khutsitseng le lesasane le bue tlase botebong ba moea oa hau.

'Me ho sa tsottelehe mobishopo ofe, kereke efe, seo ntho efe e se buang, tloo 'me u mamele Morena, ke taelo ea ka ho lona.

¹⁸⁰ 'Me, joale, Moena Neville o tla ea phaposing *ena*, ho hlohhisetsa tšebeletso ea kolobetso. 'Me bao ba—ba ntseng ba lokisa lintho, baholo ba bang ba tla tsamaea le 'na. Ke tla ba le lona ka mono, motsotsong feela.

¹⁸¹ Empa ke batla ba tlang hona joale, re tla bina, "Ke utloa 'Moloki oa ka a bitsa." "Ke tla tsamaea le Eena. Ho sa tsottelehe kereke efe, ke tla ea le Eena. Ho sa tsottelehe mang, ke tla tsamaea le Eena tsela eohle." E reng e—e banna ba kene ka phaposing *ena*, 'me basali ba kene ka phaposing *ena*, re sa bina joale. Ebe moo re tla qhalana, semolao, nakoaneng feela joale. Ho lokile. Bohle 'moho joale.

Ke utloa Mopholosi oa ka a bitsa,

¹⁸² Joale, banna ba ea ka *mona*, basali ba ea ka *mona*.

... 'Mmoloki oa me...

Basali ba bang kenang ka *mona* le basali bana, ka kopo.

Ke utloa 'Moloki oa ka...

U utloile eng? Lentsoe la Hae.

"Nka sefapano sa Ka, 'me u Ntatele, u Ntatele."

Moo A . . . (Joale na u hlide u tiile?) . . . ke tla latela,

Ruri moo A mpiletsang teng ke tla latela

Ruri moo A mpiletsang teng ke tla latela

Ke tla tsamaea le Eena, le Eena tsela eohle.

¹⁸³ Joale, joalokaha ke bua sena, motsoalle, ke utloile Lentsoe. 'Me haeba Lentsoe le sa bua ho ea latela Lentsoe la Molimo, *Mona*, ke lentsoe le fosahetseng. Empa, "Linku tsa Ka li tseba Lentsoe la Ka."

¹⁸⁴ U ka tla joang? Lebaka leo u le tlelang ke lena. Ke hobane, "Lebitso la hau le ne le ngoloe Bukeng ea Bophelo ea Konyana pele lefatše le theoa." Bibele e buile seo. Nahana ka motho ea lutseng 'me a tseba hore eo ke 'Nete ea Evangelii, koana ba tšoeroe ke ho hong, ho tseba hore mohlomong lebitso la bona le ne le sa ngoloa. Ho ka thoeng?

"Ba Ntšebeletsa lefeela." Le a bona, "Lefeela."

¹⁸⁵ "Oh," u re, "Ke monna ea tsepahalang. Ke a tsepahala . . ." Seo ha se amane le eona ka letho.

¹⁸⁶ "Ba Ntšebeletsa lefeela, ha ba ruta thuto tseo e leng melao ea motho."

¹⁸⁷ Ke le boleletse, ha ho motho eafafalitsoeng, ea horomelitsoeng, kapa ea kolobelitsoeng, ka lebitso la "Ntate, Mora, Moea o Halalelang" ka Bibeleng. E batliseng. E fumaneng. Haeba ho le joalo, tloo mpontše, kalaneng bosius

bona. Joale, haeba u sebelitsoe joalo, u ntse u latela neeletsano ea batho.

¹⁸⁸ 'Me ha motho a ka u bolella, "Be, u ka nyoloha 'me u ipolele, u amohela Moea o Halalelang lekhatheng leo." Hoo ho fosahetse. Eo ke thuto e entsoeng ke motho.

¹⁸⁹ E teng kolobetso ea bohata ea metsi. E teng kolobetso ea bohata ea Moea o Halalelang. Liabolosi o a Le etsisa hobane o tletse borapeli. Kaine, ntata'e o ne a tletse borapeli, joaloka ha re fetile ho eona. Peo ea noha e ntse e tsoelapele. 'Me Peo ea mosali, ka Kreste, e ntse e tsoelapele.

"Empa, ha ho ea ka tlang a sa huloe ke Ntate oa Ka."

¹⁹⁰ Joale nahanang ka ba bang ba lutseng mona, hoseng hona, ba tsebang hore le kolobelitsoe ka phoso, tumelong ea motho, 'me e seng ho latela Bibele, 'me tsoalo ea maipolelo a hau a pele e fosahetse. Ebe u ka loka joang le ka mohla, haese ha u ka khutla 'me oa qala hantle? Lea hopola, vekeng ena, ke rerile: *Ho Ne Ho Se Joalo Tšimolohong*.

¹⁹¹ Joale, 'me ha u ka utloa Lentsoe le bua le uena, eo ke Molimo, hoba Le lumellana le Lengolo. Haeba e sa etse joalo, etlabo ho na le mofuta o itseng oa lentsoe le fosahetseng le buang le uena. Empa Lentsoe le nepahetseng le tla u bolella ho latela melao ea Bibele; hofafatsa ha ho eo, ho horometsa ha ho eo, ha ho leshano. Tsoa hantle feela ka kotloloho le ho sala melao ea Bibele morao.

¹⁹² E etseng, metsoalle, le haeba e tlosa ntho e 'ngoe le e 'ngoe. Ha ke tsotelle hore e ka qosa eng, ke tla suthisetsa ntho e 'ngoe le e 'ngoe ka thoko, ho latela Morena Jesu.

¹⁹³ "Utloa Lentsoe la Ka. Linku tsa Ka li tla etsa, 'me li tla tla ho 'Na. 'Me bohole ba tlang ho 'Na, Ke tla ba nea Bophelo ba kamehla, le ho mo tsosa matsatsing a qetelo." Na e nepahetse?

¹⁹⁴ Ke ena, e bapa hantle le Mangolo. Ha ho motho ea ka hanang Hono. Ke hantle. Ha ho motho ea ka hanang Hono. Ke ena moo e leng teng, ka Matla a Moea, ho etsa tsona lintho tseo Jesu a li entseng. Ke *enoa* moo A leng teng, setšoants'ong, eona Topallo ea Mollo, e a tsamaea, litholoana tse tšoanang, Moea o tšoanang, o nang le maikutlo a tšoanang, khato e tšoanang, lipontšo tse tšoanang, meeka e tšoanang. Ke lona bao. Utloa Lentsoe la Molimo hoseng hona.

'Me Lentsoe le re, "Samuele."

¹⁹⁵ Ho re, "E, Morena. E, Morena. Ke 'na enoa. Mohlanka oa Hau ke enoa. Mohlanka oa Hau ke enoa. Ke tla latela."

Molimo a hlohonolofatse mofumahali eo. "Ke tla . . ."

¹⁹⁶ U re, "Moena Branham, u e thatafatsa haholo." Ke e ikemiselitse hore e be thata. Ke lipakeng tsa Bophelo le lefu, kahoo ke tlameha ho e matlafatsa. Morena a be le lona, ke thapelo ea ka e tiileng.

¹⁹⁷ Joale, pele ba suthisa faneshara ea moaho mona, ho fumana e . . . le tle le bone kolobetso. Sebaka se butsoe ka linako tsohle. Ke batla ho bala a mang, hantle feela ho tsoa Mangolong, le tle le bone hore kea—kea bala.

¹⁹⁸ Jesu Kreste, khaolong ea 16 ea Santa Mattheu, kea lumela, o boleletse Petrose, “Ke u neha linotlolo tsa ’Muso oa Leholido. Seo u se tlamang lefatšeng, Ke tla se tlama Leholido; seo u se lokollang lefatšeng, Ke tla se lokolla Leholido.” Na bohole le tseba seo?

¹⁹⁹ Ka letsatsi la Pentekosta, mohla ’Muso oa Molimo o tlileng ka botlalo ba Matla a Oona, na le lumela seo? Petrose, o eme. Joale, mohla Jesu a neng a tsoha bafung, O ne a se na linotlolo tsa ’Muso. Na ho joalo? [“Amen.”] O ne a nkile linotlolo tsa lefu le lihele, e seng linotlolo tsa ’Muso. ’Me ke sena seo a se buileng mohla a neng a rera, ’me ba ne ba utloa lintho tsena, ’me ba thatafalitse lipelo tsa bona. Ke sena hantle seo Petrose a se buileng.

²⁰⁰ Joale mamelang ka hloko ha ke bala Mangolo, le tle le utloisise. Liketso, khaolo ea 2. Hopola. Ke ba bakae ba neng ba le teng mona ho utloa therio, *Tsimolohong Ho Ne Ho Se Joalo?* Ha re khutleleng qalong ’me re bone seo kolobetso, kolobetso e leng sona ruri. Re lokela ho kolobetsoa joang? Ho fafatsoa, ho horometsoa, kapa ka lebitso la “Ntate, Mora, Moea o Halalelang”?

²⁰¹ Hopolang, ke qhololitse moreri ofe le ofe, mobishopo ofe le ofe, mang kapa mang, kae kapa kae, neng kapa neng, ho mpontša Lengolo le le leng moo mothomang a kileng a fafatsoa, a horometsoa, kapa a kolobetsoa ka lebitso la “Ntate, Mora, Moea o Halalelang.” E bulehile. Ha e fuamnoe ka Mangolong. Che.

²⁰² Ke tumelo ea bohata, e betluoeng, e qaluoeng ke kereke ea Katolike. Ho fafatsa theiloe ke kereke ea Katolike, lilemo li ka ba makholo a tšeletseng ka mor’ a lefu la morutuo a ho qetela. Hoo “Ntate, Mora, Moea o Halalelang” ho ile ha hlongoa ka eona nako eo, hobane batho ba Katolike ba rapela melimo e fapaneng, ’me ba bopile botrintase ba liofisi tsa Molimo. Ha se Melimo e meraro; Ntate, Mora, Moea o Halalelang. Boo ke bohetene.

²⁰³ Ho na le Molimo o le mong. “U se ke ua ba le melimo e meng ka pel’ a Ka.” “Utloa, oho Iseraele, Ke ’na Morena Molimo oa hau, Molimo o le mong.”

²⁰⁴ Mojuda o re botsitse, “Eo e leng Molimo oa lona ke ofe; Ntate, Mora, kapa Moea o Halalelang?”

²⁰⁵ Ho na le a le Mong feela oa bona. Ke liofisi tse tharo tseo Molimo o tšoanang o sebelitseng ho tsona, ho Iponahatsa.

²⁰⁶ Pele, ka ho Ntate, a ke ke a angoa. Ho lopalla thabeng; esita le khomo kapa phoofolo e ka amang thaba, e lokela ho bolaoa.

²⁰⁷ Eaba O a theoha, 'hoba O ne a batlile ho khumameloa. A atamela motho ho feta-feta, hobane O fetoha Mora motho. Molimo o ne o le ka ho Eena.

²⁰⁸ 'Me hoba A etse seo, eaba O re, "Ho se ho se hokae 'me lefatše ha le sa tla Mpona. Empa lona le tla Mpona, hobane 'Na," leemeli la motho, "Ke tla ba le lona, esita le ka ho lona, ho isa bofelong ba lefatše." A re, "Ke tsoa ho Molimo." Eng? Topallo ea Mollo. "Ke khutlela ho Molimo." Na O entse? O entse. 'Me ha A etsa seo, A khutlela ho Molimo.

²⁰⁹ Re ntano fumana Pauluse, thutong ea rona hoseng hona, tseleng ea hae e eang Damaseka. 'Me A fumana Pauluse tlase tseleng. 'Me A mo otla a oela fatše. 'Me ha Pauluse ha a lelala holimo, E ne e le eng? Topallo ea Mollo hape, Leseli le foufalitseng mahlo a hae.

²¹⁰ Shebang seo Jesu a se entseng mehleng ea Hae lefatšeng, le ho bolella mosali libe tsa hae, ha etsoa lintho tsena tshole. Le ho re, "Ha ke etse letho pele Ntate a Mpontša."

²¹¹ Ba 'Motsa, ho re, "Hobaneng U sa theohèle mono ho folisa batho bao tlase mono?" A feta har'a letšoelé le leholo, moo ho leng lihlotsa, le ba qhoalileng, le lifofu, le ba omeletseng litho. O folisitse monna oa tšoaetso ea senya, kapa ntho e 'ngoe, a robetse holim'a phaelete. Ho re, "Hobaneng U sa phelise seholpha sohle sa bona?"

²¹² A re, "Ka 'nete, nete . . ." Santa Johanne 5:19, joale, "Ka 'nete, nete, Ke re ho lona, Mora o sitoa ho etsa letho ka Boeena; haese seo Ntate a 'Montšang sona, Mora o se etsa joalo le eena."

²¹³ Ke Enoa O tlide hape, matsatsing ana a qetelo. Lefatše la mahlale le ke ke la e nyatsa. Kereke e ke ke ea e nyatsa. Ke ena moo e leng teng, ho khutlela hantle feela ka har'a kereke le ho etsa ntho eona eo. Moea! Molimo o batla ba tlang ho rapela ka Moea le ka 'Nete. Ke Enoa moo a leng teng.

²¹⁴ Ke sena seo A se buileng ka Letsatsi la Pentekosta, Petrose o a rera.

Jesu enoa Molimo oa mo tsositse, ba kae . . . bohole re lipaki. (Na re lipaki?)

Ka baka leo a phahamisitsoe ho letsohong le letona la Molimo, . . . le ho nka pallo ea Moea o Halalelang ho Ntate, o qhatsitse seo u se bonang, le se utloang joale.

Etsoe Davida ha a ka a nyolohela . . . leholimong: empa ke eena o itse, MORENA o itse ho Morena oa ka, Lula ka letsohong la ka le letona,

Ke be ke bee bao e leng lira ho uena bonamelo ba maoto a hau.

Ka baka leo, ntlu eohle ea Israele e ke e tsebe ruri, hobane Jesu enoa eo le mo thakhisitseng, Molimo o mo entse Morena le Kreste.

Itseha ba utloa hoo, (bao e ne e le barapeli) ha ba utloa hoo, ba hlajoa lipelo, 'me ba re ho Petrose le... baapostola ba bang, Banna ba heso, re tla etsa joang?

²¹⁵ Na re tla tloha re loke? Che, che. Hlokamelang, Petrose, u tšoere linotlolo tsa 'Muso joale. "Seo u ba bolellang sona," Molimo o itse, "Ke tla se notlela Leholimong haeba u se notlela lefatšeng."

Petrose a re ho bona, Bakang, e mong le e mong oa lona, 'me le kolobetsoe ka lebitso la Jesu Kreste tšoarelong ea libe, 'me le tla nka neo ea Moea o Halalelang.

Hobane pallo eo e etselitsoe lona, le bana ba lona, le ba leng hole, bao Morena Molimo oa rōna a tlang ho ba bitsa.

²¹⁶ Lengolo le leng hape. Lilemo tse mashome a mararo a metso e 'meli ka mor'a moo, Pauluse, mona khaolong ea 19.

Pauluse a haola linaha tse kaholimo tsa... Efese: a fumana barutuo ba bang,

'Me a re ho bona, Na le amohetse Moea o Halalelang haesale le lumela?

²¹⁷ Mabaptise, e lumelleng ho thophothela ka ho lona. "Na le amohetse Moea o Halalelang ho tloha le lumetse?" Ke tsoalo, e seng maipolelo.

... Ha re tsebe moo hoba Moea o Halalelang o teng.

*'Me a re... Ho eng... le kolobeletitsoe ho eng ke hona?
Ba ne ba kolobelitsoe, Ho Johanne... .*

Paulose a re ho bona, *ruri Johanne o kolobelitse... nqa pakong*, (e seng tšoarelong ea libe), nqa *pakong, a re... hore le tle le lumele ho ea tlang ho tla... ke hore, ho Jesu Kreste.*

'Me ha ba utloa hona, ba kolobetsoa ka lebitso la Morena Jesu Kreste.

... 'me Paulose ha a ba beile matsoho, 'me Moea o Halalelang oa theohela holim'a bona; 'me ba bua ka lipuo,'me ba tlotsisa Molimo.

²¹⁸ Joale e reng ke le ise, Pauluse, ha a koala epistole ea hae, Bagalata 1:8.

... leha e ka ba rona, kapa lengeloi le tsoang leholimong, ha a le bolella Evangeli esele ho eo le seng le e utloile, e be thohako ho lōna.

²¹⁹ Nka boela ka le isa ho Bakorinthe, khaolong ea 14, temana ea 38, moo E boletseng.

Ekare ha motho a ipolela hore ke motho oa moea, leha e le moporofeta, a ke a tsebe hoba litaba tseo . . . seo ke le ngollang sona ke litaelo tsa Morena.

Empa ekare ha e mong a hana ho tseba, feela a ikhanele ho tseba.

²²⁰ Re tla etsa'ng ka eona? Bopaki bo bong le bo bong . . . Ke ne ke etetse ha heno, 'me ha ke eso kolobetsoe ka kolobetso ea Bokreste, ho sa tsotellehe seo kereke ea ka e neng e se nahana, kapa seo 'mè a neng a se nahana, ke batla ho tseba seo Morena oa ka a se laelang.

²²¹ Morena Jesu, ke ea Hau joale. 'Me ke rapela hore U tla sebetsa pelong e 'ngoe le e 'ngoe. Le ho neha bana, ba leng ka letšeng ho kolobetsoa, Moea o Halalelang, ha ba ntse ba U emetse. Ka Lebitso la Jesu re laetsa bongata ho Uena, hore ka Letsatsi lela, Morena, ke se be molato, ke mpe ke lokolohé maling a batho bohole; e seng ho emela moetlo oa mofuta, kapa mokhatlo oa bolumeli bo itseng, kapa mokhatlo, empa ka ho emela Lentsoe la Hau. Amen. 

58-1005M Utloa Lentsoe La Hae
Branham Tabernacle
Jeffersonville, Indiana U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org